



सानसेयारि 'बड'सा' खौरांलाइयाव
समाज्यादि जिज्जो लोब्बा थानाय रायथाय, सन्ध्याय,
सल', सल'बाथा आरु दावबायादि थावनि, पार्क
बाइदिनि सायाव लिन्नाय लिन्नाय दैथाय ठर!
सानसेयारि 'बड'सा' खौरांलाइया खेबखानानै
फोसावगोल।
बड'सायाव लिन्नायनि हुबा खालाम,
'बड'सा' खौरांलाइया आंगो खालाम।
सानसेयारि बड'सा मावखुनि
माइबं नोगोर, जोहोलाव दैमालु लामा
कक्राझार, बिदिसि-783370
Website: www.bodosanewspaper.com

BODOSA ★ A Bodo News Daily ★ Monday ★ 18 March, 2024 Kokrajhar, BTC, Assam ★ Vol.- 33, Issue No. 349 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

आसामाव मोनथाम खोलोबाव लकसभा बिसायख 'थि खुंनो साखा-फारा

19 एप्रिलाव सेथि खोलोब, 26 एप्रिलाव नैथि खोलोब आरु 7 मेआव थामथि खोलोब बिसायख 'थि खुंजागोन

गुवाहाटी, 17 मार्च: हारदरि बिसायख 'थि आयगआ लकसभा बिसायख 'थिनि सम फारिलाइखौ फोसावनाय लो-लो-लो दुलाराय हादत नाडे गासै राजखान्थि दोलोफोरानो बिसायख 'थिनि दावहायाव ओंखारनो थाखाय गोखौंसिनै जान्जि खाफ्रादो। हारदरि गुबुन गुबुन राइज्योफोरजो लो-लो-लो आसामावबो मोन 14 लकसभा



बियाबनि बिसायख 'थिआ रंजालि बैसागु फोर्बो जोबनाय लो-लो-लो मोनथाम खोलोबाव खुंजागोन। आसामनि गाहाइ बिसायख 'थि मावख 'गिरिआ दिने मोनसे खौरांगिरि मेल खुंनयनि गेजेरजो राइज्योआव मोनथाम खोलोबजो लकसभा बिसायख 'थिखौ गोजोन आरु (□ 5 बिलाइआव)

एआइउडिएफआ लकसभा बिसायख 'थिनि थाखाय मोनथाम बियाबआव बिजाथि फोसावबाय



गुवाहाटी, 17 मार्च: अल इन्डिया इनास्टेट डेमोक्रेटिक फ्रन्ट सुदये एआइउडिएफ राजखान्थि दोलोआबो फैबाय थायाय लकसभा बिसायख 'थिनि थाखाय मोनथाम बियाबआव बिजाथि फोसावबाय। बदरुहिन आजमलनि दैदेनाय एआइउडिएफ दोलोआबो फैगासिनो थायाय लकसभा बिसायख 'थियाव गोखौडे बाहागो लानो थाखाय साखा फारा जादो। बदरुहिन (□ 5 बिलाइआव)

लकसभा बिसायख 'थिनि थाखाय कक्राझार जिल्ला खुंथाया थियारि जादो



कक्राझार, 17 मार्च: लकसभा बिसायख 'थिनि थाखाय कक्राझार जिल्ला खुंथाया थियारि जादो। दिने कक्राझार जिल्लानि जिल्ला बेंगिरि मावखुलिनि सावराय

न'ब्लाडाव खुंनय मोनसे खौरांगिरि मेलनि गेजेरजो कक्राझारनि जिल्ला बेंगिरि प्रदिप कुमार द्विबेदिआ बे बाथाखौ फोरमायो। दिने बेलासिनि 4 रिंगायाव फैगौ लकसभा

बिसायख 'थिखौ लानानै खुंनय खौरांगिरि मेलनि जिल्ला बेंगिरि प्रदिप कुमार द्विबेदिआ बुडोदि, बिसायख 'थि आयगआ फोसावनाय बिथोनमा बादियै 1 नं कक्राझार लकसभा बियाबाव फैगौ 7 मेआव एबा थामथि खोलोबनि बिसायख 'थिया खुंजागोन। बे बादिनो बिसायख 'थिखौ मोजाडे खुंनो थाखाय कक्राझार जिल्ला खुंथाय आरु (□ 5 बिलाइआव)

जौगाखां समाज गायसन्नोब्ला राइजो-राजाफोरनि सानस्त्रिया जौगाखांनांगोन: उखाव गौरा ब्रह्म

भवानिपुर, 17 मार्च: 'हादतनि गाहाइ मन्थि नरेन्द्र मदिनि सिमां 2047 माइथायनि गेजेराव भारत हादतखौ जौगाखां हादत महरै गायसन्नाय। दरसे जौगाखां हादत महरै गायसन्नोब्ला गामि आरु सहरनि गेजेराव फारागथि गैथै जानांगोन। रोंग 'थि जौगाखांनो नांगोन। फालांगियादि महरै जौगाखांनो नांगोन। जौगाखां भारत दाफुंनोब्ला जौगा माननि जिउ खुंनो हानांगोन। समाजनि साफ्रोमबो ज्ञान आरु सोलौंथाइ



समानै लानांगोन। जायनि थाखाय नरेन्द्र मदिआ हादतनि राइजो-राजाफोरनि थाखाय अन्सायारि आरु जौगालु

बिथांखि आजावदो। आथिखालनि सरकारी बिथांखिफोरा राजखान्थियारि बिथांखि नडा। सरकारी

सरुपेटानि अंगनबादि मिरुआव सिखाव खावनाय जाथाय



भवानिपुर, 17 मार्च: सरुपेटानि 196 नं बरलियापारा अंगनबादि मिरुआव सरकारि महरै लुनाय जल जीवन मिसननि गुबुन गुबुन मुवा- (□ 5 बिलाइआव)

भवानिपुर दख 'रा फरायसालिमायाव हारिमायारि सानखान्थि सान फालिदो



भवानिपुर, 17 मार्च: भवानिपुर दख 'रा फरायसालिमायाव फरायसालिमानि सानखान्थि बिफाननि बान्जायनायाव आइकिउएसि आरु बिज्ञान फरामनि हेफाजाबाव मैया हारिमायारि सानखान्थि सान फालिनाय जायो। हारिमायारि सानखान्थि साननि लोब्बायै (□ 5 बिलाइआव)

सनितपुर जिल्ला एबसुआ 'आनि बिमानि राव आनि सोलौंथाइ' मिसनखौ बिथा खालामनानै साइकेल रेलि खालामदो

बर' बिजोडव फोरोंनाय सरकारी फरायसालिनि फोरोंगिरिफोराबो गावनि गथ 'फोरखौ जेरावखि जाया बर' बिजोनि सरकारी फरायसालियावनो फोरोंनांगौ: अबित नार्जारी

कक्राझार, 17 मार्च: सनितपुर जिल्ला दुलाराय बर' फरायसा आफादआ 'आनि बिमानि राव आनि सोलौंथाइ' मिसनखौ बिथा खालामनानै दिने नैथि खेबनि थाखाय बगिजुलि गेजेर आरु गोजौ फरायसालियाव साइकेल रेलिनि गेजेरजो बेखेवफिनो। साइकेल रेलिखौ बेखेवनानै होयो दुलाराय बर' फरायसा आफादनि नेहाथारि बिरदाव बर'आ। सनितपुर जिल्ला एबसुनि आफादगिरि जित स्वर्गियारीया साइकेल रेलिखौ लोब्बा लाखिनानै मासि लानानै दैदेनाय गोवलां सावराय मेलखौ बेखेवनानै होयो मिरु एबसुनि सुबुं फोनांजाव नेहाथारि



राजेस बसुमतारीया। गोवलां सावराय मेलवाव गाहाइ आलासि महरै बाहागो लायो मिरु एबसुनि बुंथिगिरि अबित नार्जारीया। गाहाइ बुंथिगिरि महरै बाहागो लानानै बिथाडा आथिखालाव आसाम नाडेबर' बिजोनि गुदि फरायसालिफोराव

थोजासे फरायसाफोर गैथै आरु सानफा एफा खमाय लानायखौ नोजोर बोनानै 'आनि बिमानि राव आनि सोलौंथाइ' मिसननि गेजेरजो दुलाराय बर' फरायसा आफादआ गुदि

फरायसालिफोराव इनरलमेन्ट एबा फरायसाफोरनि अनजिमा बांहोनयनि सायाव गुवारे बिबुंथि लाखियो। हारिनि गासैबो थाखोनि सुबुंखोनो बर' बिजोनि (□ 5 बिलाइआव)

सुकलाइ सेरफां बियाव दुलाराय बाथौ गौथुमनि रुफाथि माइथाय फोर्बो फालिनाया जोबलांबाय

गरेस्वर, 18 मार्च: सुकलाइ सेरफां बियाव दुलाराय बाथौ गौथुमनि रुफाथि माइथाय फोर्बो फालिनाय आरु बोसोरसालिया ज 'थुमा सानथामनि मेहेरगोनो हाबाफोरिजो नावकाटानि बियाव बाथौ सिबिसारिआव खुंफुंजाबाय। दिने जोबथा साननि फुं समाव एन एफ रेलवे मालिगावनि आजिरा मोन्याय सेनियर सेक्सन अफिसार कारिारम बर'आ बेखेवनाय गोजोन हारिमुआरि हान्जा सुरनाय, बियाबनि बारग' बिबानगिरिफोरखौ मान बाउनाय जायो। सुक्लाइ सेरफां बाथौ हायुंसा' लाइसिखौ बेखेवना होयो नावकाटा नबमिलन जौसिन फरायसालिनि



गोरायुं रबिराम ब्रह्मआ। मेलाव गाहाय आलासि महरै बेलासि समाव रबिराम बसुमतारिआ मासि सामलायनाय गोवलां मेलखौ बेखेवना होयो आसाम आयेन आफादनि बुंथिगिरि बिस्वजित दैमारिआ। (□ 5 बिलाइआव)

उतपल सिंहनि कच-राजबंसि रावनि गुदि जौगाथाय आरु मुं होनाय आयदानि बिजाव बेखेवदो



बासुगाव, 17 मार्च: थुनलाइगिरि, सानसुमै, उतपल सिंहनि 8 थि 'कच-राजबंसि रावनि गुदि जौगाथाय आरु मुं होनाय' आयदानि गांसे बिजावखौ दिने बेखेवनाय जायो। चिरां जिल्लानि बासुगाव सहरनि उलुबारीयाव थायाय लिगिरिनि गावनि न'आव नख'रनि सुबुंफोरनि नुजाथिनायाव रंसादि बिफा बिरेन्द्र कुमार सिंहनि मुंडे बाउनाय बे बिजावखौ बेखेवनानै होयो बासुगाव गोजौसिन गेजेरारि फरायसालिनि आजिरा मोन्याय लेडइ गोरायुं आरु आसाम साहित्य सभानि जिउनो सोद्रोमा, थुनलाइगिरि अमृत पाटगिरिआ। बिजाव बेखेवनायनि उनाव बिथाडा बे बिजावखौ फरायनायनि गेजेरजो बे हारिया गोबां फुंखा मोनो हागोन होना फोरमायानै गोखौं नाजावाय थायोब्ला सानसेब्लाबो दवगालानो हागोन होनानै फोरमायो। दासान्दि उतपल सिंहआ जुइसालि, ठेकन, कच-राजबंसि सुबुं हारिमु, कच-राजबंसि राजाफोरनि फुंखा, कच-राजबंसि रावनि गुदि जौगाथाय आरु मुं होनाय बायदि बिजावफोरखौ सुजुनानै दिहुन्दो होनानै लिगिरि उतपल दासआ मिथिहोदो। (□ 5 बिलाइआव)

सालबारिआव लाइमोन बिपिएफ दोलोनि खौरांगिरि मेल

सालबारि, 17 मार्च: लकसभा बिसायख 'थिनि अक्ट' फोसावनायनि उनाव गुबुन गुबुन राजखान्थि दोलोफोरा सांग्रां जादो। बे बायदिनो कक्राझार लकसभा बियाबखौ गावसोरनि दखलाव लाबोनो थाखाय बिटिआरनि राजखान्थि हान्जाफोरा साखा-फारा खालामनायखौ नुनो मोन्याय जादो। दिने बाक्सा जिल्लानि सालबारि महकुमानि लाइमोन बिपिएफ दोलोनि मावखुलियाव लाइमोन बिपिएफ, बड'लेण्ड फरायसा आफादआ मोनसे मेल खुंनय जायो। बे मेलाव कक्राझार लकसभा बियाबनि बिपिएफ दोलोनि बिजाथि



खाम्पा बरगयारीखौ गोबां भटआव देरहाहोनो थाखाय दावहा थियारि खालामो। बेनि उनाव लाइमोन बिपिएफ दोलोआ मोनसे खौरांगिरि मेल खुंनय जायो। खौरांगिरि मेलनि बिपिएफनि आफादगिरि रन्जय

बर'आ कक्राझार लकसभा बियाबनि दाब-दाब जायगाफोरजो लो-लो-लो सालबारिआवबो दोलोनि मावथिफोरखौ लानानै बिसायख 'थिनि थियारि (□ 5 बिलाइआव)

बोखावजायै सनितपुर जिल्ला आफाद बड'लेण्ड डिजिटेल खौरांगिरि गौथुम दानानै लाबाय आफादगिरि महरै सकिअ बसुमतारि आरु गाहाइ नेहाथारि महरै प्रदिप स्वरगियारि

ढेकियाजुलि/सनितपुर, 18 मार्च: बड'लेण्ड डिजिटेल खौरांगिरि गौथुमनि गाहाइ नेहाथारि राकेश रामचियारिनि दैदेनायाव थानाय 14 मार्च, 2024 इ अक्टखालि सनितपुर आरु बिस्वनाथ जिल्लानि बर' खौरांगिरिफोरखौ लानानै बोखावजायै सनितपुर जिल्ला बड'लेण्ड डिजिटेल खौरांगिरि गौथुमनि जिल्ला आफादखौ दानानै लानाय जायो। बड'लेण्ड रादाबनि खौरांगिरि सकिअ बसुमतारिखौ बोखावजायै सनितपुर जिल्ला बड'लेण्ड डिजिटेल खौरांगिरि गौथुमनि जिल्ला आफादखौ दानानै लानाय जायो। बड'लेण्ड रादाबनि खौरांगिरि सकिअ बसुमतारिखौ बोखावजायै सनितपुर जिल्ला बड'लेण्ड डिजिटेल खौरांगिरि गौथुमनि जिल्ला आफादखौ दानानै लानाय जायो। बड'लेण्ड रादाबनि खौरांगिरि सकिअ बसुमतारिखौ बोखावजायै सनितपुर जिल्ला बड'लेण्ड डिजिटेल खौरांगिरि गौथुमनि जिल्ला आफादखौ दानानै लानाय जायो। (□ 5 बिलाइआव)



लानाय जायो। बर'नि खौरां बिजोखौ गोखौं खालामनायजो लो-लो-लो डिजिटेल खौरां बिजोफोराव खामानि मावग्रा एबा खौरां बुथुमगिरि गासै

खौरांगिरिफोरखौ लानानै खौसेये खामानि मावलानायनि थांखिजो दाजानाय बड'लेण्ड डिजिटेल जानांलिस्थ एस 'सियेसननि (□ 5 बिलाइआव)

गाहाइ मन्थि मदिनि मुफ्त बिजली योजनानि सिडाव 1 दाननि गेजेराव 1 कौटिनिबो बांसिन नख 'रफोरा मुं थिसन्दों

गोदान दिल्ली, 17 मार्च: गाहाइ मन्थि नरेन्द्र मदिनि पि.एम.-सूर्य घर: मुफ्त बिजली योजनाआ बेसेन नाडे मोब्लिब जगायनायनि मोनसे बिथांखि, बे बिथांखिखौ जागायजेन्नायनि दानसेनि गेजेरावो 1 कौटिनिबो बांसिन नख 'रफोरा बे यजनाआव मुं थिसन्दों। बे बिथांखिया आसाम, बिहार, गुजरात, महाराष्ट्र, अडिशा, तामिलनाडु आरु उत्तर प्रदेश बायदि रायजोफोरनिफ्राय मख 'जाथाव बाहागो लानायखौ नुनो मोन्दों। गाहाइ मन्थि मदिआ बेनि सायाव गोजोन्नाय फोरमायदों, मानोना हादरनाडेनो 1 कौटिनिबो बांसिन नख 'रफोरा पि.एम.-सूर्य घर: मुफ्त बिजली योजनानि थाखाय मुं थिसन्दों। मोनसे टुइटाव, गाहाइ मन्थिआ बे जाफुंसारनायखौ नोजोर होनाई बुंदोंदि, दान मोनसेनि सिगां जागायनाय बे हाबाफारिया गोबां अनसायनाय मोन्दों। पि.एम.-सूर्य



घर: मुफ्त बिजली योजनानि थांखिया नख 'रफोराव बेसेन नाडे मोब्लिब जगायनाय। हादरनाडेनोगोरारिफोरनिफ्राय मख 'जाथाव गोसो होनाय आरु बाहागो लानायखौ मोनो हादों। आसाम, बिहार, गुजरात, महाराष्ट्र, अडिशा, तामिलनाडु आरु उत्तर प्रदेशआव मोनफ्रोमबो 5 लाखनि बांसिन मुं

थिसन्नायजों लोगोसे गुबुन गुबुन राइज्योफोरनिफ्रायबो मुं थिसन्नायखौ नुनो मोन्दों। गाहाइ मन्थि मदिआ बे बिथांखिनि थाखाय मुं थिसन्नायनि गोनांथिनि सायाव गोसो होदों आरु जायफोरा दासिमबो बेबादि खालामाखै बिथांमोनखौ थाबैनो साइन आप खालामनो खावलायदों। बे हाबाफारिया गोहो दिहुन्नायखौ रोखा

खालामनायजों लोगोसे नख 'रफोरनि थाखाय मोब्लिबनि खरसाखौ जोबोद बाइइ खालामनो खोथा होदों। बेयो मोनसे साबसिन ग्रहआव बिहोमा होनाई लाइफस्टाइल फर एनभायरनमेन्ट (एलआइएफइ) खौ गोजौ थाखोआव थुलुंगा होनो थियारि होन्नाई गाहाइ मन्थिआ मख 'दों।

मोजां हाबा मावना दिन्थिफुंनायनि हिसाबै एनडिएआ भट बिगोन होन्ना नरेन्द्र मदिआ बुंदों

गोदान दिल्ली, 17 मार्च: बिसायख 'थि आयगआ मोन 7 खोलोबआव लक सभा बिसायख 'थिखौ खुंनो फोसावनायनि उनाव गाहाइ मन्थि नरेन्द्र मदिआ बिजेपि आरु एनडिएआ बेनि थाखाय आबुडै थियारि होन्ना बुंदों। एक्सआव लान्थियैनो फोसावनाय परस्टआव मदिआ बुडोदि, हादतनि नोगोरारिफोरा मोजां फिथाइ होग्रा सरकारनिफ्राय मोनो हानाय मुलाम्फाखौ नोजोर होदों। बेनिखायनो बिसोरो मिरुआव फिन बिजेपि सरकारखौ फैफिनबावजानो लुबैदों आरु नेनाने दड। बिजेपिजों गारांसेयै सुबुंफोरा बे खेबआव 400 बार होन्ना बुंनो हमदों। गाहाइ मन्थिया भट बेंकनि राजखान्थि खालामनायनि थाखाय बेरेखा दोलोन सायाव बाध्राजों थांखिजों लोगोसेनो बिथाडा फोथायनाय होदोंदि, थानाय 10



बोसोराव बिजेपिया मावनाय हाबाफारिफोरखौ सुबुंफोरा रोखायैनो नुनो मोन्दों। सुबुंफोरा मोनसे रड मेप बानायनायनि थांखिखौ सायख 'दों। बे रड मेपआ फेगौ 1 रोजा बोसोरसिम हादतखौ जौगाखानायनि लामा दिन्थिगोन आरु भारतखौ गोजौ थाखोसिम जौगाखां होगोन। बेनि गेजेरजों भारतआ मुलुगखौ दैदेन्नायाव गोखोंसिन जागोन। सिगां फारसे गाहाइ मन्थि मदिआ बे बिसायख 'थियाव राजगआ गावनि दिन्थिफुंनायनि सायाव भटखौ बिगोन होन्नाबो बुंदों। थानाय 10 बोसोर सिगां हादतनि सुबुंफोरा इन्डिया जुथाइ हान्जानि लोरबां खुंथायनि जाहोनाव थ'गायजादों आरु आसा गैयै एबा जेन्नांनय बायदि मोन्दांथिदोंमोन। गेना-खांथि

आरु गावनि मुलाम्फाखौल' नोजोर होनाय खान्थिनिफ्राय रावबो एबा मोनसेबो ओन्सोला नागरजायाखैमोन। मुलुनगानो भारतखौ नागरदोंमोन आरु बेनिफ्राय आथिखालाव मोनसे गोखों सोलायनाय फेबाय। मदि सरकारनि समाव हादतनि कौटि कौटि सुबुंफोरा निखावरनिफ्राय ओंखारबोनो हाबाय। 1.40 भारतयारिफोरनि गोहोजों हादतआ जौगानायनि गोदान माइल खुन्थिया गायनो थांगासिनो दड। भारत हादतआ मुलुगनि 5 थि बयनिखुइबो देरसिन रांखांथि राहा गोनं जानोबो हाबाय। लोगोसेनो मिरु सरकारनि यजनाफोरा भारतनि गासैबो बाहागो एबा खना-खनलासिम सौहैनो हादों। गुबुन मोनसे परस्टआव गाहाइ मन्थिया बुंदोंदि, मोनसे गावनि बिबानखौ मावफुंनाय

आरु मोजां फिथाइ होनो हाग्रा सरकारा माबायदि मावनो हागौ बेखौ हादतनि सुबुंफोरा नुदों। बिसोरो बेनिखुइबो बांसिनखौ हास्थयो। बेनिखायनो हादतनि मोनफ्रोमबो बाहागोनिफ्राय, समाजनि मोनफ्रोमबो थाखोया गावसोरनि सरकारखौ खुंथायव एबा मिरु सरकारव फैफिनजानो हास्थयादों। नाथाय बेरेखा राजखान्थि दोलोआ आथिखालाव लामा आन्दायना दड। बिसोरहा गावनि आंगो जेबो आयदायानो गैजाला। बिसोरो मिरु सरकारखौल' बायदि रावजों सोंखारिनो आरु भट बेंकनि राजखान्थि खालामनोल' हासिगो। बिसोरनि नखर'बाद नोजेरजों आरु समाजखौ बोखानो नाजानायफोरखौ गनायथिनाने लानो हाया। गेना-खांथिया बिसोरनि ट्रेक रिकर्ड जानाने थाबाय। जौनि हादतनो बेबायदि दैदेन्नायखौ नाड होन्नाबो मदिआ बुडो।

ब्रिटेननि राजकुमारी केट मिडलटननि फिसाइ प्रिन्स उइलियामनि एफेयार खौराडा गोसारदों

लन्डन, 17 मार्च: ब्रिटेननि राजा फोलेरआ बावैसो सिगां राजकुमारी केट मिडलटननि मोनसे सावगारि शोयार खालामनायखौ लानाने गोबां सावराय जादोंमोन। आथिखालाव बे आयदाया आबुडै जोबैयावनो राजा फोलेरा गुबुन मोनसेबाव जाहोनजों खौराडाव साग्लोबसादों। बे खेबाव केट मिडलटननि फिसाइ प्रिन्स उइलियामनि एफेयारखौ लानाने खौरां गोसारदों। लेडि सारा रस हेनबरीआ ब्रिटिस राजा फोलेरजों गोथो सोमोन्दो दड। प्रिन्स उइलियामनि बिसि मिडलटनआ बिनि लोगो। फारसेथिं 25 डिसेम्बर 2023 नि उननिफ्राय मिडलटनखौ राइज्योआरि महेरै नुनो मोन्याय जायाखै आरु गुबुन



फारसेथिं बुंनय जादोंदि, बे गोलाव समाव राजा नख 'राव थासारिया मोजां नडामोन। बेनिखायनो बिखौ नुनो मोन्याय जायाखै। अदेबानि केन्सिंटन हेलेसआ मोनसे फिन्नाय शोयार खालामना बुंदोंदि, मिडलटनआ उदैन साजारी खालामजानायनि जाहोनाव बायजोआव

सुबुंफोरजों नुजाथिनो हायाखै। अदेबानि केट मिडलटनआ एसेबां गोबाव सान बायजोआव ओंखारैनि जाहोना बिनि फिसाइ प्रिन्स उइलियामनि एफेयारआनोमोन। केटनि आंगो लोगो होन्ना गनायजानाय रज हेनबरीजों प्रिन्स उइलियामआ मोजां मोन्यायनि सोमोन्दो दड होन्ना बुंनय जादों। लेडि सारा

रज हेनबरीया देभिड चलमन्डेलीनि बिसि, जाय चलमन्डेलीनि 7 थि मावर्भेस। प्रिन्स उइलियामनि लेडि रज हेनबरीखौ डेट खालामदों होन्ना बुंनय खौरां गोसारनाया गिबि खेब नडा। 2019 निफ्रायनो सम सम बे खौराडा गोसारबाय थादों। बे खेबआव रजआ प्रिन्स उइलियामजों भेलेन्टाइन डे फालिदों होन्नाबो दोहौ गोनं खौराडा गोसारदों बे समाव मोनसे सावगारिया सशेल मिडियाआव भाइरेल जादों जेराव केटनि जायगायाव रजखौ नुनो मोन्दोंमोन। अदेबानि बे सावगारिनि गुबै बाध्राखौ मिबथिनो हानाय जायाखै। मख 'जाथावदि, केट

मिडलटनआ किं चार्ल्स आरु राजकुमारी डायनानि देरसिन फि साजला प्रिन्स उइलियामनि बिसि 2011 आव बिसोर सानैजों जुलि जादोंमोन आरु बिसोरहा साथाम फिसा प्रिन्स जर्स, प्रिन्सेस साल्ट आरु प्रिन्स लुइस दड। बिसोरनि नख 'रा केन्सिंटन पेलेसआव थायो।

पिएम सुर्य घर यजना: दानसेनि गेजेराव 1 कौटिनि बांसिन रेजिस्ट्रेसन खालामबाय

गोदान दिल्ली, 17 मार्च: पिएम सुर्य घर बेसेन नाडे मोब्लिब बिथांखिखौ लानाने सरासनना नख 'रफोरनि गेजेराव गोसो दुंखानायखौ नुनो मोन्दों आरु दानसेनि गेजेरावो से कौटिनिबो बांसिन नख 'रफोरा बे बिथांखिनि मुलाम्फाफोरखौ मोनो थाखाय रेजिस्ट्रेसन खालामदों। थानाय शनिबाराव गाहाइ मन्थि नरेन्द्र मदिआ बे बिथांखिनि सायाव गोजोन्नाय फोरमायदोंमोन आरु बुंदोंमोनदि, बे बिथांखिखौ जागायजेन्नायनि दानसेनि गेजेरावो से कौटिनिबो बांसिन नख 'रफोरा बे बिथांखिनि थाखाय रेजिस्ट्रेसन खालामदों। हादतनि गासैबो बाहागो फोरनिफ्रायनो रेजिस्ट्रेसनखौ खालामदों। आसाम, बिहार, गुजरात,



महाराष्ट्र, उरिषा, तामिलनाडु आरु उत्तर प्रदेशआव बा लाखनिबो बांसिन नख 'रफोरनि रेजिस्ट्रेसन खालामनायखौ नुनो मोन्दों। गाहाइ मन्थिआ बे खौबो बुंदोंदि, जायफोरा दासिमबो रेजिस्टर खालामाखै बिसोर थाबैनो खालामनांगो। बे बिथांखिखौ गाहाइ मन्थि नरेन्द्र मदिआ 13 फेब्रुवारीआव लादोंमोन आरु केबिनेटआ 29 फेब्रुवारीआव बे बिथांखिखौ

गनायथि होदोंमोन। बेयो मोनसे बिथांखि, जाय गंफ्रोम नख 'रनि थाखाय 15 रोजा रां रेखा खालामनो हायो। जायखि जाया भारतनि नोगोरारिआ बे बिथांखिनि सिडाव पिएम सुर्य घर बेवसाइटआव थानाने रेजिस्टर खालामनो हागोन। बे नख 'राव सलार फेनेल फज गायसन्नो थाखाय मोनसे आरजाथाव उखुम गोनं न' थानांगोन। नख 'रआव आयेनारि मोब्लिबारि फोनंजाव थानांगोन

आरु नख 'रआ सलार फेनेलनि थाखाय गुबुन जेबो साबसिडि बिथांखि लाखानाय जानो मोन्याय नड। पिएम सुर्य घर बेसेन नाडे मोब्लिब बिथांखिनि थांखिआ बे नख 'रफोरनो बेसेन नाडे मोब्लिब जगायनाय, जाय नख 'रफोरा उखुमनि सलार मोब्लिब गोहो इडनिटखौ फसंनो थांखि सायख 'थो। बेफोर नख 'रफोरा दानफ्रोमबो 300 इडनिट बेसेन नाडे मोब्लिबखौ मोनो हागोन। सरकारआ बे बिथांखिनि थाखाय 75,021 कौटि रां बाहायनो गनायथि होदों। सरकारआ सलार फेनेल परस्टखो गायसन्नो थाखाय अन्सुंथाय होगोन। आद्रा थानाय खामानिनि थाखाय लननि सुबिदाखौ होनाय जागोन। बे दाहारखौ 6-7 जौखोन्दोनि हारआव होनाय जागोन।

डनाल्ड ट्राम्पआ खुंथायाव फैयोब्ला बाइडेननि खान्थिफोरखौ फोजोबगोन होन्ना बुंदों

अहिय, 17 मार्च: आमेरिकायाव बांबोगासिनो थानाय गुबुन राइज्योआरिफोरनि गेजेरजों नुजाथिनय जेनाफोरखौ लानाने आगुनि हादतगिरि डनाल्ड ड्राम्पआ बाइडेन खुंथायनि हेंथायै गोखोडै बिबुंथि होदों। बिथाडा दाबि दैखांदोंदि, खुंथायाव बिथाडा फैफिनोब्ला मोनफ्रोमबो उदां सिमा खान्थिखौ फोजोबना होगोन। अहियनि भान्डालियानि डेटान नोगोराव खुंनय मोनसे रेलियाव बिबुंथि लाखिनाने डनाल्ड ड्राम्पआ जर्जिया इडनिभासिडिनि नार्सि फरायसा लेकान रिनेनि थैनाय आयदाखौबो रायखांदों। खौरांनि बायदिब्ला आगुनि हादगिरि ट्राम्पआ बाइडेननि सायाव आमेरिकायाव हिंसा सोमजिहोरा हान्जानि सोद्रोमाफोर आरु गोस्टरफोरजों लोगोसे लाख लाख गुबुन राइज्योआरिफोरखौ हाबनो एबा थानो गनायथि होनायनि दाय जाबसिन्दों। बेफोर बायदि



क्राइमनि जाहोनाव गुबुन सासेबाव आमेरिकाननि जिउ गोमानो मोन्याय नड। गुबुन सासेबाव लेकानखौ खोमानो हालिया। जानो गोनं बिसायख 'थियाव देरहानाने हादतगिरि जाफिनोब्ला गिबि सानावनो लेकाननि थाखाय थार बिजिरनायखौ दाबि दैखांगोन होन्नाबो बिथाडा बुंदों। सिगां फारसे ट्राम्पआ बुंबावोदि,

खुंथायाव फैयोब्ला बाइडेन खुंथाइनि लाबोनाय खान्थि मोनफ्रोमबो सिमना उदां बिथांखिखौ फोजोबना होगोन। बाइडेननि मोनफ्रोमबो जेना गोनं थांखिफोरखौ बोखारनायनि थाखाय बयनिखुइबो गोखोंसिन राहायानो जादों गावखौ गोसलैयै खुंथायाव लाबोफिन्नाय। आमेरिका-मेक्सिक' सिमनायाव नुजाथिनय थासारिखौ लानाने

डनाल्ड ट्राम्पआ बुडोदि, बे जेनाखौ गावसोर फिन सुस्रानो आखायाव लादों। बिसायख 'थियाव देरहानाने खुंथायाव फैयोब्ला गिबिसिन मावनांगो हाबाफारिनि गेजेराव आंगो हादतनि सायाव गाग्लोबनायखौ होबथानाय आरु ज'बाइडेननि आइन बेरेखा एलाइन्सखौ दैथाइहरफिन्नायानो जागोन होन्नाबो बुंदों।

सिरियाआव इज्राइल अख्रामा सान्थिनि गोखौ गाग्लोबनायाव गोबां सिलिंखार जादों

बेरुद, 17 मार्च: इज्राइलनि सान्थिया सिरियाआव शनिबार हरनि समाव गोबां जायगाफोरव उरां जाहाजजों गोखोडै गाग्लोबदों। इज्राइल सान्थिनि बे एयार स्ट्राइकआव सिरियानि माखासे उतखारि केम्पफोरा सिलिंखार जायो। खोला सिरियाआव थानाय माखासे जायगाफोरव इज्राइल सान्थिया मोनसे समावनो एबा खेबसेयैनो गाग्लोबदों। जेराव सासे सान्थिया जोखोम जादों होन्ना खौरां मोनो हादों। सिरियानि सरकारि खौरां एजेन्सि सनाया सान्थि बिबानगिरिनि गथाइनाय खौरांखौ लानाने फोरमायदोंदि, अख्रामा इज्राइलनि सान्थि हान्जानाया गलान हाइटआव जायगानि सम बायदिदयै हर गेजेरनि 12:42 रिगायाव मिसाइल गावहैदों। बे गाग्लोबनायाव सिरियाआव



गोबां ख'हा जानांदों आरु सासे सान्थिया जोखोम जादों होन्ना मोनसे फिन्नायाव बुंदों। दावहानि सायाव गोखों नोजोर लाखिनय ब्रिटेननि आफाद सिरियान अब्जाभैटरि फर हिउमेन राइटसआ फोरमायदोंदि, इज्राइलनि एयार स्ट्राइक खालामनायाव डमिस्क'नि सा-सान्जा कलामौन हाजोआव थानाय

गंसै सान्थिनि केमफोरखौ थांखिनाने सिलिंखार खालामदों। बे ओन्सोलाव लेबाननि हान्जा हिजबुल्लायोबो दड। बेवहाय माखासे उतखारिफोरनि जिउ गोमादों होन्ना आसा खालामनायबो जादों। सिरियान अब्जाभैटरि फर हिउमेन राइटसआ फोरमायबावदोंदि, इज्राइल सान्थिया इयार

स्ट्राइकआव हाथियारनि मोनसे केपखौबो थांखि खालामना गाग्लोबदों। बेयो सोलिफु 2024 आव इज्राइलआ सिरियाआव 24 थि गिखंथावसिन गाग्लोबनाय। बिसोरो हिजबुल्ला आरु इराननि रिभलुसनारि हार्डजों लोगोसे गुबुन हान्जाफोरनि सा 13 दावहा नांनय सोद्रोमाफोरखौ जिउ फोजोबजों आरु बिसोरनि अनगायै सा 9 नोगोरारिफोरनिबो जिउ गोमादों।

85 बोसोरनि बांसिन बैसोनि सुबुंफोरा न'आवनो भट होनो मोनगोन

गोदान दिल्ली, 17 मार्च: गाहाइ बिसायख 'थि कमिसनार राजिब कुमारआ शनिबाराव फोसावदोंदि, लक सभा बिसायख 'थियाव 85 बोसोरनि बांसिन बैसोनि सुबुंफोर आरु 40 जौखोन्दोनि बांसिन बेंगुरा-बेंगुरि सुबुंफोर न'निफ्रायनो भट होनो हागोन। मख 'जाथावदि, गिबि खेब लक सभा बिसायख 'थियाव बे सुबिधाखौ होनाय जादों।

गाहाय बिसायख 'थि कमिसनारआ बुंबावदोंदि, बैसोर बायदि बोयय-बुरै सुबुं आरु देहायारि लोरबां सुबुंफोरनि थाखाय अप्सन सायख 'नायनि फर्म 12 डिखौ बिसोरनि न'आव दैथाइहरनाय जागोन। बिसोरो न'निफ्रायनो भट होनायनि थांखिखौ सायख 'ना लायोब्ला बिसोरनि न'सिम बिबानगिरिफोरखौ

दैथाइहरना न'आवनो भट होहोगोन। बेनि सिगां हादतनि माखासे बाहागोफोराव बिधान सभा बिसायख 'थिनि समाव बेबायदि राहा लानाय जादोंमोन। नाथाय गिबि खेब बे राहाखौ हादतनाडे लाबोनायनि थांखि लादों। राजिब कुमारआ फोरमायनाय बायदिब्ला, हादतआव 85 बोसोरनि बांसिन बैसोनि गासै 85 लाख सुबुंफोर

दड आरु बेंगुरा-बेंगुरि भटारफोरनि अन्जिमया 88.4 लाख। बेनि अनगायै 100 बोसोरनि बांसिन बैसोनि भट होनो गोनं सुबुंफोरनि अन्जिमया 21.18 लाख दड। आथिखालाव हादतनाडे 97.8 कौटि भटारफोरनि गेजेराव 49.72 कौटिया हौवाफोर आरु 47.1 कौटिआ आइजोफोर।

(□ 1 बिलाड़िनफ़ाय)

लकसभा बिसायख थिनि थाखाय कक्राझार जिल्ला खुंथाया थियारि जादों

बिसायख थिं बिफानआ गासैंबो रोखोमनि रहाफोरखौ लादों । जिल्ला बेंगिरिआ फोरमायनाय बादिब्ळा मैया बिसायखनथि आयगआ फोसावनाय बिथोनमा बादियै कक्राझार लकसभा बियाबाव बिसायख थिंखौ फैगौ 7 मेआव खुंगोन आरो भट सान्नाय हाबाफारिया 4 जुनआव जागोन । बेनि थाखाय बिसायख थिंनि बिजाथिफोरा एप्रिल दाननि 19 अक्ट'नि गेजेराव मुं थिसनलाइ गथायनांगोन । बेनि उनाव 20 एप्रिलआव मुं थिसनलाय नायबिजरनाय आरो 22 एप्रिलआव मुं थिसनलाइ बोखाना लाफिन्नायनि जोबथा सान महैरै थि खालामनाय जादों होन्नानै बिथाड बुडो । मख 'नो गोनांदि, दासान्दि हरिमायारि सिमना भुटान आरो बांलादेशजों सावरायलायनाय जादों आरो एसएसबिनो सिमनानि बिबानखौ होनाय जादों होन्नानै बिथाड मिथिहोयो । बेनि अनगायैबो कक्राझार लकसभा बिसायख थिंखौ मोजाडै खुंगो गासै सा 61 सेक्टर बिबानगिरि आरो सा 15 जनेल बिबानगिरि थिसन्नाय जादों, लोगोसे मोन 23 गुबुन गुबुन सेलआव सा 85 माइक्र' अबजाभार, सा 3 जिल्ला थाखोनि मास्टर ट्रेइनार आरो सा 30 एसेमब्लि लेभेल मास्टर ट्रेइनार थिसन्नाय जादों होन्नानैबो बिथाड बुडो । बिथाड बिबि पेड आरो इभिएमखौ लानानै गासैखौबो गोनांथि बादियै थियारि खालामनायजों लोगोसे प्रिसाइदिं आरो पलिं बिबानगिरिनो फोरोंथाय होनानै थियारि खालामनय जादों होन्नानै फोरमायो । मख 'नो गोनांदि, कक्राझार बिसायख थिं थि मावखुलिनफ़ाय कक्राझार, दतमा आरो बाउबुंघि मोन 3 बिधान सभा बियाब सरजवाननै भटरनि अन्जिमाया गासै सा 14,70,271 । बेनि गेजेराव सा 7,35,270 हौवा भटर आरो सा 7,34,996 आइजो भटर आरो थामथि आथोननि सा 5 भटरफोर दड' । गासै गं 531 भट सोग्रा मिरु थानाय कक्राझार लकसभा बियाबाव बेंगुराफोरनि थाखाय न'निफ़्रायनो भट होनो हानायनि रहा लानाय जादों होन्ना मिथिहोनानै 85 बोसोर बैसो सानि भटरनि थाखाय गोनांथि बादियै रहा लानाय जादों होन्नानै जिल्ला बेंगिरिआ फोरमायो । गुबुन फासैंथिं, बिसायख थिंनि नेम–खान्थिया जाहाथे सिमफायजाया बेनि थाखाय रैखाथिनि बिथिडवबो गोनांथि होनायजों लोगोसे 1950 नम्बरनि मोनसे टलफ़ि नम्बरखौ बयनिबो थाखाय बेखेवनाय जायो । मोनसेबो भट सोग्रा मिरुयाव रिपलिं जाफिना होन्ना दाबि खालामनानै लकसभा बिसायख थिंखौ गोजोनै खुंगो थाखाय कक्राझार जिल्ला खुंथाया थियारि जादों होन्नानै जिल्ला बेंगिरिआ खौरंगिरि मेलाव फोरमायो ।□

सरुपेटानि अंगनबादि मिरुआव सिखाव खावनाय जाथाय

बेसादफोरखौ थानाय हयव सिखावफोय खावना लाडो । बेनि सोमोन्दै 196 नं बरलियापारा अंगनबादि मिरुनि मावफारिया फुलरानि बैश्य दासआ सरुपेटा पुलिस थानायाव दिनै गांसे एजाहार थिसनहैयो । एजाहारआव फोरमायनाय बादिब्ळा, थानाय हरनि 9:30 रिंगायाव सिखावआ अंगनबादि मिरुआव जल जीवन मिसन बिथांखिनि गेजेरजों लुनाय दैनि टेंकि, पाइप, भाल्भ बायदिफोरखौ खावना लाडो । बेनि अनगायैबो दै जगायग्रा बिथांथिखौ खहा खालामलाडो । अंगनबादि मिरुनि मावफारियाआ सरुपेटा पुलिस थानायाव थिसन्नाय एजाहारनि बिथायाव खावनाय जाथायजों लोब्बा थानायनि अजदजों सरुपेटानि शान्तिपुरनि धनजित दासखौ पुलिसआ खादों ।□

भवानिपुर दख'रा फरायसालिमायाव हरिमायारि सानखान्थि सान फालिदों

फरायसालिमानि डिजिटेल सावराय न'ब्लाडव खुंनाय बिबुंथि होनाय हाबाफारियाव बुंथिगिरि महैरै कतन फरायसालिमानि सानखान्थि बिफाननि आजिरा मोन्नाय बिबानगिरि प्रफेसार ड दिलिप शर्माआ बाहागो लायो । प्रफेसार ड दिलिप शर्माआ गावनि बिबुंथियाव हरिमायारि सानखान्ति साननि गोनांथिखौ फोरमायनायजों लोगोसे सानखान्थिजों थुनलाइनि सोरंजिनाय, खन्थाइनि खान्थिजों सानखान्थि सावरायनाय बायदिनि सायाव फरायसाफोरखौ थांखिनानै गुवारै फोरमायथिनानै होयो । ड दिलिप शर्माआ गावनि बिबुंथियाव सानखान्थिनि हुदा, सानखान्थिनि सोलोंथाइखौ मोजाडै मोन्दोंथिनो फोरोंगिरि–फरायसाफोरनो गुबुन गुबुन बिथिंनि सायाव गुवारै फोरमायथिनानै होयो । भवानिपुर दखर फरायसालिमानि सानखान्थि बिफाननि बिबानगिरि ड प्रियंका प्रतिम बरुवा, आइ किउ एसिनि क–अर्डिनेटर च नबिन पकरेल आरो बिज्ञान फरामनि क–अर्डिनेटर ड बिबेक बरुवा थापाआ दैदेन्नाय बिबुंथि होनाय हाबाफारिनि गिबियाव थांखि बेखेवनानै होयो फरायसालिमानि सानखान्थि बिफाननि लोगो प्रफेसार अभिंजित बराआ । बे हाबाफारियाव बराय बिबुंथि होयो भवानिपुर दखरा फरायसालिमानि गोरारुं ड मुकुन्द शर्माआ । बे हाबाफारियाव आलासि महैरै बाहागो लायो फरायसालिमानि लोडइ गोरारुं ड आब्दुस सालामआ ।□

सुक्लाइ सेरफां बियाब दुलाराय बाथौ गौथुमनि रुफाथि माइथाय फोर्बो फालिनाया जोबलांबाय

बिबुंथि लाखियो उदालगुरि जिल्ला माइनाव आफादनि आफादगिरि दिपालि मसाहारिआ । गेवलां मेलाव बिटिआरनि इ एम रनेन्द्र नाजर्गि, नावकाटा नबमिलन जौसिन फरायसालिनि लेडय फोरोंगिरि सानदिप बसुमतारिजों लोगोसे ओनसोलनि गोबां बाथौ सिबियारि, मेलेमजिबि आरो बियाबनि गं 25 गामिनि रोजा–रोजा राइजो–राजाफोरा बाहागो लायो ।□

जौगाखां समाज गायसन्नोब्ला राइजो–राजाफोरनि सानस्त्रिया जौगाखांनांगोनः उर्खाव...

बेखेवनानै मन्थि उर्खाव गोरा ब्रह्म बे बाश्राखौ बुडो । मन्थि ब्रह्मआ बुडोदि, आसामाव सिगांनि थासारिया सोलायदों । थानाय समफोराव हरियारि दाडबाजि, उतखारिनि जेंना बायदि दुंहाव थासारिजों बुंफबदोंमोन । नाथाय थानाय माखासे बोसोरनिफ़ाय हिंसा–उतखारिनि जेंनाया जोबस्नानै गोजोन फैदों । गोजाम दावराव–दावसिनि समफोरखौ बावगरानांगौ आरो फैगौ समफोराव मोजां सिमां लानानै जों खौसेथियै दावगालांनांगोन होन्नानै बिथाड बुडो । मख 'नो गोनांदि, गेवलां मेलाव मन्थि उर्खाव गोरा ब्रह्मजों लोगोसे गुबुन आलासिफोरा प्लेटिनाम माइथाय फालिथायनि गोसोखांथि बिजाब बेखेवनानै होयो । कर्दैगुरि श्रीशंकर संघनि आफादगिरि पंकज उज्रनि आफादगिरि मासि सामब्लायनायाव खुंनाय गेवलां मेलाव थिखानाय बुंथिगिरि महैरै भवानिपुर दखरा फरायसालिमानि गोरारुं ड मुकुन्द शर्माआ बाहागो लानानै बुडोदि, समाजाव सानस्त्रिफोरा सोलायनांगोन । राइजो–राजाफोरनि गेजेराव गासैंबो समाव सानस्त्रिफोरा गोथौ जानांगोन आरो सानस्त्रिफोरनि गेजेराव सुबुंथि थानांगोन । समाजखौ फारफ़ोमबो दिगआव दावगालांहोनो राइजो–राजाफोरनि गेजेराव सांग्रां सानस्त्रिजों साफ़्रोमबो सानफ़्रोमबोनि जिउ खुंनायाव गोसो होनांगोन होन्नानै बिथाड बुडो । मेलाव थाव आरो मिथिंगायारि गेस निगमनि गुजरात दालाइनि गाहाइ सामब्लायगिरि अपुर्ब दासआ आलासि महैरै बाहागो लानानै समाज जौगाथायनि सायाव बिबुंथि होयो । प्लेटिनाम माइथाय फालिथाय आफादनि रंखान्थि नेहाथारि सपनज्यति तालुकदारआ थांखि बेखेवनाय आरो फावथायगिरि प्रनजित कलिताआ दैदेन्नाय मेलाव गागि समाज सिबियारि आइजो निलिमा दास, सालबारि टिसिएलसिसिनि मासिगिरि बिनद मुसाहारी, समाज सिबियारि सुरेश सरकार, शरत पाठक, दिनेश दास, प्रानेस्वर तालुकदार, बिबेक नाथ मोनहा आलासि महैरै बाहागो लायो । गेवलां मेलनि उनाव हरनि समाव खुंनाय हारिमु दिन्थिफुंनाय हाबाफारिखौ बेखेवनानै होयो जागिरड फरायसालिमानि प्रफेसार ऋषिकेश कलिताआ । सानजौफुयाव दुलाराइ आसाम थाखोनि कुइज आरो बाश्रा दानथे बादायलायनाय खुंनाय जायो । मख 'नो गोनांदि सानथामनि हाबाफारिजों खुंनाय प्लेटिनाम माइथाय फालिथाया दिनै खुंफुंजायो ।□

सनितपुर जिल्ला एबसुआ 'आंनि बिमानि राव आंनि सोलोंथाइ' मिसनखौ बिथा खालामनानै...

सरकारि फरायसालिफोरखौ फोथांनायनि बिबान लाथारनांसिगोन होन्नानै बर' बिजोंनि सरकारि फरायसालिनि फोरोंगिरिफोराबो जेरावखि जाया गावनि गथ'फोरखौ सरकारि फरायसालियावनो फोरोंनायनि थांखि लाफिननांसिगौ होन्नानै बर' बिजोंखौ हरिनि बयनिबो अन्सायनाय मोनोब्लासो फोथांनो हासिफोन होन्नानै राइज्योफोरनि सिगाडव गुवारै फोरमायथियो । हाबाफारियाव सनितपुर जिल्ला एबसुनि बारग' बिबानगिरिफोर, गुदि बर' थुनलाइ आफादनि बिबानगिरिफोर, फोरोंगिरिफोर, फरायसाफोर आरो राइजो–राजाफोरनि मैखोमै बाहागो लानायजों हाबाफारिया मोजाडैजाफुंसार जायो । मख 'जायोदि, दुलाराय बर' फरायसा आफादआ गुदि फरायसालिफोराव इनरलमेन्ट एवा फरायसाफोरनि अनजिमा बांहोनाय थांखिजों 'आंनि बिमा राव आंनि सोलोंथाइ' मिसनखौ थानाय बोसोर 2023 इं माइथायनि 18 मेयाव आसाम नाडै मिरु आफादजों लोगोसे गं 24 जिल्ला आफाद, गं 193 दख'रा आफाद आरो गं 200 निबो बांसिन दालाइसा एबसुआ राइजो–राजाफोरखौ लानानै जागायजेन्दोंमोन ।□

सालबारिआव लाइमोन बि पि एफ दोलोनि खौरंगिरि मेल

खालामनायनि सोमोन्दै फोरमायनानै कक्राझार बियाबाव बिपिएफ दोलोनि बिजाथि खाम्फा बरायारीनि देरहानाया रोखा होन्नानै दाबि खालामो । बावैसो सिगां बिपिएफ दोलोनिफ़ाय एमसिएए जय मुसाहारीआ बिबान एंगारसानै इडपिपिएल दोलोयाव हाबहैनयनि उनाव दोलोआ गोख्रोंसिन जादों होन्नानै जय मुसाहारीआ दोलोखौ नागरसानै थांब्ळाबो दोलोयाव जेबो गोहोम गोर्लैया होन्नानै रन्जय बर'आ दाबि खालामो । लोगोसे थाबैनो इडपिपिएल दोलोनि माखासे दैदेनगिरिफोरा दोलो नागरसानै बिपिएफ दोलोयाव हाबफैगोन होन्नानै बिथाड बुडो । कक्राझार लकसभा बियाबाव बिपिएफ दोलोनि बिजाथिया 70 जौखोन्दो भटजों देरहागोन होन्ना दाबि खालामनानै बिथाड बुडोदि, आसामनि गेजेराव कक्राझार बियाबाव बिपिएफ दोलोया बांसिन भट मोनगोन । लोगोसे बिपिएफ दोलोया आसामनि मोन 5 बियाबाव बिजाथि फसंगोन होन्नानै बिपिएपनि मावफुं आफादगिरि रन्जय बर'आ बुडो । दिनैनै खौरंगिरि मेलाव मिरु बिपिएफनि दैदेनगिरि कनक चन्द्र बर', सन्जिव गयारी, बाक्सा जिल्ला आफादनि आफादगिरि खनिन्द्र ब्रह्मआ बाहागो लायो ।□

बोखावजायै सनितपुर जिल्ला आफाद बड'लेण्ड डिजिटेल खौरंगिरि गौथुम दानानै लाबाय

गाहाइ नेहाथारि थामहिनबा बड'लेण्ड बुब्लिनि गाहाइ सुजुगिरि राकेश रामचियारिनि दैदेन्नायाव थानाय 14 मार्चखालि सनितपुर जिल्लानि सिडव थानाय बातासिपुर थाराइबारिनि सा–ढेकियाजुलि गुदि बर' थुनलाइ आफादनि मावखुलियाव मोनसे हाबाफारि खुंनायनि गेजेरजों बोखावजायै सनितपुर जिल्ला आफाद बड'लेण्ड डिजिटेल खौरंगिरि गौथुमखौ दानायजों लोगोसे गोदानै साइख'जानाय बिबानगिरिफोरनो बिबान गथायनानै होयो मिरु आफादनि बिबानगिरिफोरा । हाबाफारियाव बड'लेण्ड डिजिटेल खौरंगिरि गौथुमनि गाहाइ नेहाथारि राकेश रामचियारिआ बड'लेण्ड डिजिटेल खौरंगिरि गौथुमखौ दानायनि थांखि आरो गौथुमनि नेमखान्थिफोरखौ गुवारै फोरमायथिनानै होनायजों लोगोसे फैबाय थानाय समाव गौथुमनि नेमखान्थिखौ मानिनानै खौसेयै हारि आरो समाज सिबिनायनि सार्थंआव खामानि मावलांनो हाबाफारियाव बाहागो लानाय सनितपुर आरो बिस्वनाथ जिल्लानि गासै खौरंगिरिफोरखौ खावलायो ।

लोगोसे आथिखालनि थासारियाव बर' खौरां बिजोंनि बिफाव आरो बर' खौरां बिजोंनि जेंना, बर' खौरांगिरिफोरा माबायदियै खामानि मावलांनांगो बेफोर आयदाफोरनि सायावबो गुवारै फोरमायना होयो गाहाइ नेहाथारी राकेश रामचियारिआ । बे हाबाफारियावनो बड'लेण्ड डिजिटेल जानांलिस्थ एस'सियेसन मिरु आफादनिफ़ाय लोगो आफादगिरि थामहिनबा आर'नाइ रादाबनि गाहाइ सुजुगिरि राजिव बर', लोगो आफादगारि थामहिनबा बड'लेण्ड रादाबनि गाहाइ सुजुगिरि मैखोम बसुमतारि, बुंथिगिरि एबा बड'सानि गाहाइ सुजुगिरि मोगथां बसुमतारिजों लोगोसे सनितपुर आरो बिस्वनाथ जिल्लानि गुबुन गुबुन बर' खौरां बिजोडव खामानि मावग्रा एबा खौरां बुथुमगिरि बिथांमोनहाबो बाहागो लायो ।□

एआइइउडिएफआ लकसभा बिसायख थिनि थाखाय मोनथाम बियाबआव बिजाथि फोसावबाय

आजमलआ धुबुरी लकसभा बियाबनिफ़ाय बे खेबनि बिसायख थियावबो देरहासार जानानै ब्रैथि खेबनि थाखाय एमपि महैरै सायख'जानायनि मिर्जिंखो लानानै बिसायख थिं गेलेनो थाखाय जान्जि खाफ़्रादों । बे हिंसाबै एआइइउडिएफआ मोनथाम लकसभा बियाबआव बिजाथि फसंनायनि थाखाय बिजाथिफोरनि मुं फारिलाइखौ फोसावबाय । बदरुद्दिन आजमलआ धुबुरी बियाबनिफ़ायनो बिजाथि महैरै गसंगोन । बेनि अनगायै 7 नं करिमगन्ज बियाबआव शाहाबुल इस्लाम चौधुरी आरो 9 नं नगाव बियाबआव आमिनुल इस्लामखौ एआइइउडिएफनि गोख्रों बिजाथि महैरै फोसावो । मख 'नाय जायोदि, सिगां समनि बादिनो एआइइउडिएफआ बे खेबावबो बांसिनै मुस्लिम थागिबि गोहोम गोर्लैनाय बियाबफोराव बिजाथि फोसावदों । एआइइउडिएफआ फैबाय थानाय लकसभा बिसायख थियाव नगाव, करिमगन्ज आरो धुबुरी मोनथामबो बियाबाव देरहानो हागोनखौ मिर्जिंथनाय फोनमायदों दोलोनि गाहाइ बदरुद्दिन आजमलआ ।□

दिरव्वार जिनै खोन्दो

–प्रतिमा नन्दी नाजर्गि

गामियाव थाफैनानै लाइस्त्रि फिसाइया एसे थाल गोनांसिन जाबाय । बेखायनो लाइस्त्रिया जोबोद गोजोन्नाय मोन्नानै जोबोद थुलुंगाजों राइजो जानो लादों । गामिनि मानसिफोरजोंबो गोरोबनानै सोलिनी नाजादों लाइस्त्रिया । सिगांनिखुइ एसे साबसिन जाबाय लाइस्त्रि फिसाइया ।

बुंगुं थांब्ळा लाइस्त्रिखौ बयबो बुंसोलाइदों । गोदो गोसो थोनाय हौवाफोरनि साव नांदों होन्नानै । मानो होनब्ळा लाइस्त्रिया सेंग्राफोरखौ फाड्रु होआमोन आरो दुगि–दुगि रायलाबायोमोननो । नंखायनो फिसाइया जावलिया जाजादों होनना बुदों बयबो । बेफोर बाश्राया नंगौबो जानो हागौ आरो नंखायबो जानो हागौ । मानो होनब्ळा मानसिनि खाफालाव लिरना फैनायखौसो भुगिनांगौ जायोनो । खुरि्थि नायग्रा ज्यतिस्फिोरा बुडो दानि जोनोमाव जानाया सिगां जोनोर्मनि खोरोम खालामबोनायनि थामहिनबा हाबा मावबोनायनि फिथाइ होन्दें । मोजां मावबोदोंब्ळा मोजां खाफाल मोनना जोनोम जायोनो । आरो गाज्रि हाबा मावबोदोंब्ळा दानि जोनोमाव दुखु जालां सहाय नांगौ जायोनो । नाथाय बेफोर बाश्राया नंमारगौना नंमारा इसोरासो मिथिसिगौ ।

बेखायनो दानि बे जोनोमाव मोजां मावलांनो हायोब्ळा फैगौ जोनोमाव मोजां आरो धोनि नख'राव जोनोम मोनगोन होनो । बेफोर खोथाया नंगौबो जानो हागौ आरो नडबो जानो हागौ । बेफोर मोनसे गोनी गोथोथि खोथा । जायखि जाया हाबा मावमानो सुबुंडा मालायनि खहा खालामा जासे जेब्ळाबो मोजां हाबा मावनो हायोब्ळा गावहाबो गोजोन्नाय फैगोन आरो लोगोसे गाहाम हाबा मावलांनायनि गोहोबो जाखार फैयो । दा बुंस' हालिया लाइस्त्रिनि खाफालाव मा लिरदों बायदि खस्थनि गेजेरजोंब्ळाबो लाइस्त्रिया गावनि फिसाजो सानैखौ मेट्रिकखौ बारग' होनो हानायसै । फिसाजोफोरा लाजियो सिबायफोर गावसोरनि बिफानि थाखाय । मानसिफोरजों ओंखारदेरनो । बेरायला बायनो । लाइस्त्रिनि फिसाजो गिदिराबो बिमा बादिनो सिख्ला देरनानै समायना नुथारबाय । गिदिर फिसाजोनि मुंआ जॉथि आरो उन्दैना मैनाथि । फिसाला गिदिरना खाम्फा आरो उन्दैना राफोद । खाम्फा आरो राफोदआ फरायगासिनो दं । हाइ स्कुलाव ।

सानसेखालिनि बाश्रा । लाइस्त्रिमोननि खाथिनि नख'राव सोरबा आलासि जानो फैदोंमोन । बेनिफ़्राय लाइस्त्रिनि फिसाजो जॉथिखौ नुहरनानै फसायलांदोंनो आरो बै मानसिफोरा बुरै–बुरै सानैमोन । बुंगुं थांब्ळा बिसेरि फिसाजोफोरनो बिहामजो नागिरला बायफैदों । जागोन । थाखथि जॉथिखौ नुहरनानै बै जायनाव फैदोंमोन बिखौ सुलु लानो थिनहररो । बेनिफ़्राय लाइस्त्रिया दानो बिलायथ'आ होनना बुंहरदोंमोन । नाथाय ब्रा–ब्रायै बै बुरै सासेनि फिसाज्जलाया सानसेखालि जॉथिखौ नायनो फैयो । बै नायफैनायनि फिसाज्जलाया हाग्रा बिफाननि अफिसाव केरानि साखि मावो । साखि गोनां सेंग्रा मोनब्ळाबो बिमाया गाव बादि दुखुथिया जाजानो गिनानै बिलाइ हरनो बाथ'दोंमोन । सेंग्रानि नख'रलाइ जानो–लौनो गोनां न' थिं गोनां माहाजोननो । लाइस्त्रि बिबानावफोरा दानो बिलाइ हरथ' नाड होनना बादा होदोंमोन । मानो होनब्ळा जॉथिखौ मोजाडै डिग्रि लाना फिसा–फिसौ साखि लाजानो लुबैदोंमोन । एसे बिमा लाइस्त्रिखौ मदद खालामनो हानाय बादि गावखौ दाना लाजाग्रोजानो लुबैदों । जॉथिया गावबो दानो जुलि जानो गोसो गैथा ।

अब्ळा बै समाव बिमानि बिबौ थैनायाबो बारा गोबाव जायाखैमोन । बिबैआबो बेरामि जालांबाय ।

(□ 1 बिलाड़िनफ़ाय)

आसामाव मोनथाम खोलोबाव लकसभा बिसायख थि खुंगो साखा–फारा

उदाडै खुंफुनो हानाय बायदि थाग–थियारि हाबाफारिखौ जागायबाय होन्नानै फोरमायथिदों । आसामाव फैगासिनो थानाय लकसभा बिसायख थिं खुंनायनि थाखाय बिसायख थिं आयगआ फोसावनाय आबुं सम फारिलाइ बादियै गिबि खोलोबनि बिसायख थिंनि भट आजावनाया 19 एप्रिल अक्ट'खालि खुंजागोन । गिबि खोलोब बिसायख थिंआ काजिरड, सनितपुर, लक्षिमपुर, डिब्रुगड़ आरो जरहात बियाबआव खुंजागोन । बेनि थाखाय 20 मार्च 2024 इं अक्ट'खालि नटिपिकेसन फोसावगोन, बिजाथिफोरनि नमिनेसन बिलाइ गथायनायनि जोबथा अक्ट'आ 27–03–2024 जागोन, 28 मार्चआव नमिनेसन बिलाइ नायफामगोन । 30 मार्चआ नमिनेसन बिलाइ बोखारना लाफिन्नायनि जोबथा अक्ट' जागोन । 19 एप्रिलाव बिसायख थिंनि भट आजावगोन आरो 4 जुनआव बिसायख थिंनि फिथाइ फोसावगोन । बेबायदिनो नैथि खोलोबाव दरं–उदालगुरि, डिपु, करिमगन्ज, चिलचर आरो नगाव बियाबआव 26 एप्रिलखालि खुंजागोन । नैथि खोलोब बिसायख थिंनि थाखाय 28 मार्च, 2024 अक्ट'खालि नटिपिकेसन फोसावगोन । 4 एप्रिल, 2024 अक्ट'आ बिजाथिफोरनि नमिनेसन बिलाइ गथायनायनि जोबथा अक्ट' जागोन । 5 एप्रिल, 2024 अक्ट'आव नमिनेसन बिलाइ नायफामगोन । बिजाथिफोरनि नमिनेसन बिलाइ बोखारफिन्नायनि थाखाय 8 एप्रिलआ जोबथा अक्ट' जागोन आरो 26 एप्रिलखालि बिसायख थिंनि भट आजावगोन । आसामनि जोबथा एवा थामथि खोलोबनि लकसभा बिसायख थिंआ 7 मेखालि कक्राझार, धुबुरी, बरपेटा आरो गुवाहाटी बियाबआव खुंजागोन । थामथि खोलोब बिसायख थिंनि थाखाय 12 एप्रिलखालि नटिपिकेसन फोसावगोन । 19 एप्रिलखालि बिजाथिफोरनि नमिनेसन बिलाइ गथायनायनि जोबथा अक्ट' जागोन । 20 एप्रिलखालि बिजाथिफोरनि नमिनेसन बिलाइखौ नायफामगोन । बिजाथिफोरनि नमिनेसन बिलाइ बोखारफिन्नायनि थाखाय 22 एप्रिलआ जोबथा अक्ट' जागोन आरो 7 मेखालि बिसायख थिंनि भट आजावगोन । हादरनि गासै राइज्योफोरजों लोगोसे 4 जुनखालि आसामनि मोन 14 बियाबनि लकसभा बिसायख थिंनि फिथाइआबो समानै फोसाव जागोन ।□

अभिषेक बच्चन आरो करण जौहरआ स्वेता बच्चननो जोनोम साननि हामलायथि बाउहरदों

अमिताभ बच्चन आरो जया बच्चननि फिसाजो स्वेता बच्चनआ सावथुन मुलुगनिफ्राय गोजानाव थादों ब्लाबो बिथांजोआ जेब्लायबो लाइम लाइटाव थाबाय थायो। बिथांजोआ गावनि 50थ जोनोम सानखौ फालिदों। बे ज'खा फालिथायव अभिषेक बच्चन आरो नव्या नभेलि नन्दाआ स्वेता बच्चननि थाखाय मोनसे परस्ट शेरार खालामदों। फालांगियाव गावनि मुं सोजिनो हानाय नव्या नभेलि नन्दाआ गावनि बिमा स्वेता बच्चननो बिथांजोनि जोनोम साननि हामलायथि बाउहरदों। बिथाड गावनि बिमाजों लानाय उन्दै समनि सावगारि शेरार खालामदों। बे सावगारिखौ शेरार खालामनानै नव्या नभेलि नन्दाआ केप्सनआव लिरदोंदि, 'हेपि बार्थ डे मामा आइ लाभ इड'। करण जौहरआ स्वेता



बच्चनखौ बिथांजोनि जोनोम साननि हामलायथि बाउहरनानै बे बुब्लिखौ गोसो खादों, जेब्ला बिसोर सानैआ साबसिन लोगोमोन। बिथाड बुंदोंदि, स्वेता बच्चनआ बिथांनि बिनानाव आरो बिमादें जाना गावनि गथ'फोरखौ गोबां अन्नाय होदों। करण जौहरआ स्वेता बच्चनजों लोगोसे गोजाम सावगारिफोरखौ शेरार

खालामदों। बे सावगारिजों लोगोसे बिथाड केप्सनआव लिरदोंदि, आनि उन्दै समनि बयनिखुइ साबसिन गोसोखांथिफोर अभिषेक बच्चन आरो स्वेता बच्चनजों दड। अभिषेक बच्चनआ जौखौ माड आइलेन्डनि फांसे बिफांआव खेलायनानै खाना दोनदोंमोन आरो बे समनिफ्रायनो जौनि गेजेराव मोनसे जिउनं नख'र,

लोगोआरि सोमोन्दो आरो अनलायनारनि सोमोन्दोफोरा जागायदोंमोन। करण जौहरआ आरोबाव बुंवावदोंदि, आनि बिमाया जेब्लायबो बुडेमोनदि, स्वेता बच्चनआ आनि बिमानि फिसाजो बायदि आरो बियो जेब्लायबो आनि बिनानाव जानानै थागोन। नोंथांनि गासैबो रंग'थि आरो आखुथाइफोरजों आनि गथ'फोरनि बिमादें

जानायनि थाखाय नोंथांखौ साबायख'र। करण जौहरआ आरोबाव लिरबावदोंदि, दिनें नोंथांनि जोनोम सानाव नोंथांनिस्मि खुसिनि हामलायथि बाउहरदों। नोंथाड बयनिखुइबो समाइनासिन आरो मोजां बोसोनजों गथ'फोरखौ फेदेरदों आरो सासे बिमा-बिफा महैर नोंथाड आनि थाखाय मोनसे थुतुंगा। अभिषेक बच्चनआबो गावनि बिब'स्वेता बच्चननो जोनोम साननि हामलायथि बाउहरनानै इन्स्टाग्रामाव मोनसे भिडिय शेरार खालामदों। भिडिअनि क्लिपआव अभिषेक ,बच्चन आरो स्वेता बच्चननि उन्दै समनिफ्राय लानानै लाइमोन बैसोसिमनि समाइना गोसोखांथिफोर आरो भिडिअखौ शेरार खालामनानै फावखुंगुरआ केप्सनआव लिरदोंदि, 'हेपि बार्थ डे स्वेता दी' आं बेखौ बुंनो एबा दिन्थिनो हायाबो जानो हागौ नाथय नों आनि संसार। आं नोंखौ जोबोद अनो। फरहा खानआ बे परस्टआव मोनसे मिनिथाव कमेन्ट होदों आरो बुंदोंदि, गासैबो बिदा-फंवायफोर मानो दिन्थिया एबा खोन्थाया, नाथय मोजां मोनो। बबि देअलआबो हार्थ इमजि हरना कमेन्ट होदों।

गाहाम देहानि राहा

जोगोनाद बेगरफोरखौ जानाया नोंथांनि देहानि थाखाय मुलाम्फा गोनां

देहायव सानफ्रोमबो निउट्टियेन्टनि गोनांथि जायो। बेनि हेफाजाबजों पुष्टिया मोजां थायो आरो जों मोजाडै खामानिफोरखौ मावनो हायो। जुदि जों मोजां नडै आदारफोरखौ सानफ्रोमबो जायो, अब्ला जौनि बिगुरा गात्रि जायो, सावस्त्रिआ गात्रि जायो आरो जौनि देहायव बेरामफोर जानो हयो। जौनि देहानि थाखाय प्रटिन, केल्सियम, भिटांमिन, आयरन बायदि



गासैबो निउट्टियेन्टफोरनि गोनांथि जायो। बेनि थाखाय सानफ्रोमबोनि आदारव गोथां मैगं-थाइंगं, आबुं माइरं, फिथाइ-सामथाइ, बादाम आरो बेरामफोरखौ जानो थाखाय बोसोन होनाय जायो। बैफोर बेरामफोरनि गेजेराव जोगोनाद बेरामफोर मोनसे। नोंथांनि देहानि थाखाय सानफ्रोमबो जोगोनाद बेरामफोर जानाया जोबोद मुलाम्फा गोनां। (1) भिटांमिन के आरो मेगनीजखौ जोगोनाद

बेगरफोराव गोबां बिबांनि मोन्नाय जायो। बेयो देहायव जानाय गारायफोरखौ थाबैनो फाहामनायाव मदत खालामो। (2) जोगोनाद बेरामफोराव मेगनेसियम मोन्नाय जायो। बेयो देहायव ब्लाड सुगारनि थाखौखौ सामलायनायाव मदत खालामो। (3) जोगोनाद बेरामफोराव गोबां बिबांनि एन्टि-अक्सिडेन्ट मोन्नाय जायो। बेयो देहायव बुनायखौ बाडइ खालामनायाव हेफाजाब होयो।

(4) जोगोनाद बेरामफोराव जिंक मोन्नाय जायो। बेयो देहानि होबथानो हानाय गोहोखौ गोखौ खालामो। बेजों लोगोसे बेयो देहायखौ बेक्टेरिया आरो जिउसाफोरनिफ्रायबो रैखा खालामो। (5) जोगोनाद बेरामफोरखौ जानायजों नोंथांनि ब्लाड प्रेसारखौबो सामलायना लाखियो। बेयो बिखानि बेरामफोरनि खैफोरखौ बाडइ खालामो।

पृथ्वीराज सुकुमारनआ गावनि फैनो गोनां सावथुननि सल'खौ फोरमायदों

फावखुंगुर पृथ्वीराज सुकुमारनआ 2022 माइथायाव समाजआरि बिजोंआव बिथाड आदुजीभिमम साभिस ड्रामा सावथुननि सेबखानायखौ फोजोब्याय होन्ना फोसावदोंमोन। गुबैयै मालयालम रावआव बानायजानाय बे सावथुनआ बेन्जामिननि सल'मा आदुजीभिमनि सायाव बिथा खालामनाय, जाय मोनसे सैथो जाथायनि सायाव बिथा खालामजानाय। आथिखालाव बे सावथुनआ मोनबा रावआव गिदिर फैसालियाव फैगोन। बावैसो सिगां पृथ्वीराज सुकुमारनआ तामिल, तेलुगु, कन्नड़ आरो हिन्दी रावआव गावनि डाबिनि खामानिखौ फोजोब्याय। बे सावथुननि ट्रेलाखौबो रिलिज खालामनाय जाबाय। 2022 माइथायाव




पृथ्वीराज सुकुमारन को पहचान पाना हुआ मुश्किल....

जेब्ला पृथ्वीराज सुकुमारनआ इन्स्टाग्रामनि गेजेरजों बे सावथुननि सेबखानाय जोबनायनि बागै फोरमायदोंमोन अब्ला बिथाड बे सावथुननि मोनसे नुथायबो फोसावदोंमोन। बे नुथायखौ शेरार खालामनानै बिथाडा केप्सनआव लिरदोंमोनदि, 14 बोसोर, रोजा-रोजा हेंथाफोर, लाख-लाख जेंनाफोर, कभिड-19 महामारिनि मोन्थाम दोहों मोनसे

नायथावना नुथाय। पृथ्वीराज सुकुमारननि बे केप्सननिफ्राय मिबथिनो मोनोदि, बे सावथुनआ गिदिर फैसालियाव फैनो थाखाय 15 बोसोर नांबाय। बे सावथुनखौ 28 मार्च 2024 माइथायाव मुलुगनि सिगाडव रिलिज खालामनाय जागोन। पृथ्वीराज सुकुमारनआ बावैसो बुंदोंदि, बिथांनि जोबोद बाख्नायजानाय मावथांखि आदुजीभिममनि सल'खौ

बिथांनो 2009 माइथायनि हाबाफारियाव हायुंआरि बान्था देरहानो हानाय दिथागिरि व्लेसिआ खिन्थादोंमोन। बै समाव फावखुंगुरआ जुलिबो जायाखैमोन आरो आथिखालाव बे सावथुनआ मुलुगनि सिगाडव फैनायनि समाव पृथ्वीराज सुकुमारनआबो सासे फिसाजोनि बिफा जाबाय। सावथुननि ट्रेलाखौबो रिलिज खालामनाय जाबाय। जायखौ नुनानै बयबो गोमोनय मोन्दों। सावथुनआव पृथ्वीराज सुकुमारनआ सासे मालायाली हायुं बारलांग्रा मावदांसा नजिबनि फाव खालामदों। बिथांनि दावबायनाया बाला हामायाव जेंना-जेंसि आरो थाना थानायनि मोनसे नुथाय। 1 मिनिट 33 सेकेण्डनि गोलाव ट्रेलारआ सावथुनआ माबादि जागोन बेनि मोनसे नुथाय दिन्थियो। बे सावथुनआव फावखुंगुरि अमला पलआ पृथ्वीराज सुकुमारनजों लोगोसे फाव खालामदों। बे सावथुनखौ नायगिरिफोरनि थाखाय मोनबा रावफोराव रिलिज खालामनाय जागोन।

सुहाना खाननि मोनसे गोदान भिडिअखौ सशेल मिडियाआव नुनो मोन्नाय जादों




बलिउडनि सुपारस्टार शाहरुख खाननि फिसाजो सुहाना खानआ सशेल मिडियाआव जोबोद सांफ्राडै थायो। सुहाना खानआ गावनि बिफा बायदि स्टार डमखौ मोन्नो हायो। सुहाना खानआ गिदिर फैसालियाव दासिमबो हाबनो हायाखैब्लाबो बिथांजोहा सिगांनिफ्रायनो गोबां अन्सायगिरिफोर दड। बे मुंदांखा स्टार किडआ गोबां समावनो

गावनि सावगारि आरो भिडिअफोरनि थाखाय सावयव जाबाय थायो। सुबुंफोर सुहाना खाननि र्लेमरस स्टाइलखौ मोजां मोनो। गोबां अन्सायगिरिफोर सुहाना खाननि समाइनाखौ बाख्नायो। थानाय बोसोराव बिथांजोनि गिबि सावथुन 'द आर्चीज' खौ अटिंटिआव रिलिज खालामनाय जादोंमोन। बे स्टार किडआ गावनि लुकनि थाखाय जोबोद

मुंदांखा। बे समाव सुहाना खाननि मोनसे भिडिअखौ सशेल मिडियाआव जोबोद भाइरल जानाय नुनो मोन्दों। जेराव बिथांजोखौ बाथयभआव नुनो मोन्नाय जादों। सुहाना खानआ भिडिअआव गावनि मोदोमाव साबोन फुन्नाय समाव गावनि ग्लेमरज नुथायखौ दिन्थियो। गुबैयै बे भिडिअआ मोनसे फोसावदि एबा एडभारटइस भिडिअ। नाथाय सुहाना खाननि बे नुथायखौ नुनानै नायगिरिफोरा गोमोदों। नायगिरिफोरा फावखुंगुरिनि समाइना महखौ बाख्नायदों। 'द आर्चीज' सावथुननि अनगायैबो सुहाना खानआ 'द ब्रे पार्ट' सावथुनाव खामानि मावदोंमोन। हास्थायगिरिफोरा गिदिर फैसालियाव बिथांजोनि फाव खालामजेन्नायखौ नायनो थाखाय नेनानै दड।

'कू' सावथुनआ एयार लाइन दारिमिननि सैथोखौ दिन्थिगोन

फैनो गोनां 'कू' सावथुननि बागै गोबां सावरायनाय जागासिनो दड। करिना कापुर खान, कृति सेनन आरो तब्बु स्टारर बे सावथुनाव गिबि खेबनि थाखाय बिसोर साथाम फावखुंगुरिफोरखौ ज'थै दोहौ दिन्थिनाय नुनो मोनगोन। सावथुननि ट्रेलारखौ बावैसो सिगां रिलिज खालामनाय जादों। जायनि उनाव सावथुननि रिलिजखौ लानानै अन्सायगिरिफोरनि गोसो दुंखानाया बादों। करिना कापुर खान, कृति सेनन आरो तब्बुजों लोगोसे दिथागिरि राजेश



कृष्णनआबो 'कू' सावथुननि ट्रेलारनि रिलिजनि समाव नुजाथिदोंमोन। बे समाव बिसोर साबैबो मिडियाजों गोबां सानफ्रोमबोनि जिउआव बे जायगानि सुबुंफोरखौ गोरोबना थानायसिम गासैबो रोखोमनि मोन्दांथिखौ बिथाड लादों आरो औराआ भारतनि हारिमुफोरखौ जोबोद मोजां मोन्दों। औराआ बलिउडनि जिमी

फोरमायदोंदि, बिथांजोआ ऊ अन्टाबा आइटेम मेथाइखौ खालामनो लुबैदोंमोन, जाहाथे बिथांजोआ सासे आरिमुगिरि

जानायनि बिथिंखौ संदानो हायो। बिथांजोआ माल्बाबाबो गावनि सायाव फोथायनाय गैयामोन। बिथांजोआ गावखौ

समाइना होना साना। बिथांजोआ हमादनों हायोदि, बियो गुबुन सिखलाफोर बायदि नडा। बेनिखायनो बिथांजोनि थाखाय बे मेथाइखौ खालामनाया मोनसे गिदिर सेलेन्समोन। समनथा रुथ प्रभुआ बेजों लोगोसे बुंवावदोंदि, बिथांजोआ ऊ अन्टाबा मेथाइनि सेबखानायनि गिबि सटआव गिनाय मोन्दोंमोन। मानोना बेबादि मेथाइखौ बियो खालामफेराखैमोन। बिथांजोआ सासे फावखुंगुरि आरो सासे सुबुं महैर जौगानो हादों। मानोना बिथांजोआ गावखौ जेब्लायबो गोब्राब थासारियाव खोख्लैयो आरो बेनिफ्राय ओंखारनो थाखाय नाजायो। समनथा रुथ प्रभुआ बेखौबो बुंवावदोंदि, बिथांजोआ आरोबाव माल्बाबाबो आइटेम नम्बर मेथाइखौ खालामनाय नंला।

पार्क मिन जुनआ असमीया दोरोडारि खसाब गान्नानै असमीया मेथाइ रोजाबदों

करियानि मुंदांखा रोजाबगिरि पार्क मिन जुनआ भारतयारि रियेलिटी श्व बिग बस 17 आव वाइल्ड कार्ड बादायगिरि महैर हाबनानै गावनि अनासायगिरिफोरखौ सोमोनोहोदोंमोन। बिथांखौ औरा मुडैबो मिथिनाय जायो।

बिथाडा सेकसेकी पीरुआ असमीया मेथाइखौ रोजाबनानै दिन्थिफुंनारनि गावनि मोनसे भिडिअखौ शेरार खालामनानै गावनि अन्सायगिरिफोरनि गोसोखौ बोनो हादों। औराआ बे भिडिअनि केप्सनआव आं असमीया बीटफोरखौ मोजां

मोनो, असमीया साहा आरो असमीया फिथाखौबो आं मोजां मोनो होन्नानै लिरदों। औरानि भिडिअफोरा अनलाइन नायगिरिफोरनि गोसोखौ बोनो हादों, मानोना बिथाडा भारतनि गोबां हारिमुफोरखौ फालिदों।

दोरोडारि असमीया खसाब गान्नानै औराआ गोसो गुदुडै सेकसेकी असमीया मेथाइखौ रोजाबदों। जायगानि आसार खान्थिफोरखौ बोजबना लानायनिफ्राय जागायनानै जाग्रा आदारफोरनि गोजेन्नायखौ लानाय आरो

असमीया मेथाइ रोजाबदों

जिमी मेथाइनि रिमेक बानायनायजों भारतआव मुंदांखा जादों। बिथाडा बे मेथाइआव करियानि पप दं'खोनि दोहौखौ दाजाबदेरदों, जायखौ बिथांनि अन्सायगिरिफोरा जोबोद मोजां मोन्दों।

रायज्जायदोंमोन। 'कू' सावथुनआ साथाम एयार हस्टेजनि जिउखौ दिन्थिनाय मोनसे सावथुन, जाय

गावसोरनि सानफ्रोमबोनि रुटिनजों बानाय मोनो आरो जेंनायाव गोग्लैयो। बेजों लोगोसे बे सावथुनाव कमिडि नुथाइफोरखो दाजाबदेरनाय जादों। जाहाथे नायगिरिफोरा सावथुनखौ नायनाय समाव बानाय मोना। ट्रेलारआव करिना कापुर खान, कृति सेनन आरो तब्बुनि फाव खालामनायजों लोगोसे दिल जीत दशाननि दिन्थिफुंनारनायो नायथावना। ट्रेलार लन्च हाबाफारियाव दिथागिरि राजेश कृष्णनआ

बुंदोंदि, सावथुनआ नंगुबै जाथायफोरनि सायाव बिथा खालामजानाय। राजेश कृष्णनआ बुंदोंदि, आथिखालाव एयार लाइन दारिमिनाव बेबादिनो जागासिनो दड। जों नुनो मोनगासिनोदि, एयार लाइन दारिमिनआ जेंनायाव गोग्लैदों। बेनि जाहोना जायखि जाया जानो हागौ। बिथाड बुंदोंदि, जुदि जों जारिमिनखौ नायो अब्ला जों जेब्लायबो मोनसे सल'नि मोनै बिथिंखौ नुयो आरो बुजियोदि, एयार लाइन दारिमिनआ मानो गाहायाव थांगासिनो दड। नाथाय जुदि नोंथाड सुबुं बिथिंखौ नायो आरो बेनि आबवावखौ बुजियो, अब्ला नोंथाड बांसिन बुजिगोन। 'कू' सावथुनआ बेफोर बादि नंगुबै जाथायफोरनि सायाव बिथा खालामजानाय। एकता कापुर, सभा कापुर, अनिल कापुर आरो रिया कापुरजों दिहूनजानाय 'कू' सावथुनआ 29 मार्चआव सिनेमाहलफोराव रिलिज जागोन।

गुबै एस्टेट सेक्टरआ भारतनि जौगानायाव मोनसे गिदिर बिफाव लागोन

गोदान दिल्ली, 17 मार्च: भारतनि गुबै एस्टेट सेक्टरआ जोबोद गोखैयै जौगानासिनो दड। बेनि आथिखालनि हाथयनि अरथाया 300 बिलियन डलार थामहिनबा 24 लाख कौटि रं। फैगौ 10 बोसोरसिमाव थामहिनबा 2034 माइथायसिमाव गुबै एस्टेट सेक्टरनि बेसेना 13 ट्रिलियन डलारसिम सौहैगोन। जुदि जौ उदांसिनि जौसेथि बोसोरसिमनि एबा 2047 माइथायनि बाथ्रा बुडेब्ला बेनि हाथयनि अरथाया 5.17 ट्रियन डलारसिम सौहैगोन। बे फोरमायथिखौ गुबै एस्टेट सेक्टरनि गोखौसिन आफाद-कन्फेडरिसन अफ रिपटि एस्टेट डेभेलपर्स एसएसएन अफ इन्डियाआ गावनि मोनसे फोसावदियाव फोरमायदों। क्रेडाईआ बुंदोंदि, भारतनि गुबै एस्टेट सेक्टरनि हाथया आथिखालाव 24 लाख कौटि रं। क्रेडाईआ फोथायोदि,



फैबाय थानाय बोसोरफोराव गुबै एस्टेट सेक्टरआ भारतआरि संखान्थियाव जोबोद गोनांथार बिफाव लागोन। क्रे डाईनि रिपटिनि बायदिब्ला, 2034 माइथायसिमाव गुबै एस्टेट सेक्टरनि हाथया 1.3 बिलियन डलारसिम सौहैगोन अब्ला हमदानाय जिडिपिआव बेनि बाहागोआ 13.8 जौखौन्दो जागोन। बेजों लोगोसे उदांसिनि 100 बोसोरसिमाव बेनि

अन्जिमाया बांनानै 17.5 जौखौन्दो जागोन। क्रेडाईआ बेखौबो हमदांदोंदि, 2030 माइथायसिमाव 7 कौटि इडिनटिनि उफ्रा न'नि गोनांथि जागोन। भारतआरि बा 1 हा य गि रि फ र्ने रनि सायख'नायखौ नायनानै क्रेडाईआ बेखौबो फोथायोदि, 2030 माइथायसिमाव 45 लाख रनि बांसिन बेसेननि न'फोरनि दाबिआ 87.4 जौखौन्दोनि

बांसिन जागोन। क्रे डाईआ बुंदोंदि, गुबै एस्टेट सेक्टरआ हादरनि गासैबो जौगानायाव मख'जाथाव बिहोमा होगोन। बेयो साखिखौ बांहोगोन आरो बेकिं सोरबिथिं खास्थिनि थाखाय खाजोना दिहुनगोन। बेनि अनगायैबो बेयो साफोमबो सुबुनि आयखौबो बांहोगोन। क्रेडाईनि मासिगिरि मनज गौरआ बुंदोंदि, भारतनि थांखिखौ मोनफु'नायाव गुबै एस्टेट सेक्टरआ जोबोद गोनांथार बिफाव लागोन।

रसियाआव हादतगिरि बिसायख'थि सोलिनाय सानावनो इउक्रेनआ इनजों गोखोडै गाग्लोबदों

मस्क', 17 मार्च : रसियाआव हादतगिरि बिसायख'थिनि भट होनाया सोलिगासिनो दड। बेनि गेजेरजों फैगौ 6 बोसोरनि थाखाय एबा फिन खनसेबाव ब्लाडिमिर पुतिनआ हादतगिरि जाफिनगोन होन्ना आसा खालामनाय जादों। फारसेथिं रसियाआव हादतगिरि बिसायख'थि सोलिबाय थानाय समावनो इउक्रेनआ रिवबारखालि मस्क'आव थाद'नाय गैयै इनजों गाग्लोबदों। रसियानि रैखाथि मावख'था थानाय हरआव गं 35 इउक्रे ननि इनफोरखौ गावख्खायनो हादों होना खौरं होदों। बेयाव मस्क'नि ओन्सोलाव गावख्खालयनाय गंवे इनआबो दंफायोमोन। अदेबानि बे गाग्लोबनायाव रावनिबो जिउ ख'हा जानायनि खौरं मोन्नाय जायाखै। मस्क'नि मेयर सगंडे सबयानिनआ बुंदोंदि, बे गाग्लोबनायाव जेबो रोखोमनि ख'हा आरो रावनिबो जिउ ख'हा जायाखै। रसिया रैखाथि



मावख'नि मिबथिहोनाय बायदिब्ला, इउक्रे नआ गंनै इनजों मस्क'नि खोलाहा थानाय कलुगा ओन्सोल आरो मस्क'नि सा-सान्जायाव थानाय यास्स्ताव ओन्सोलाव गाग्लोबदों। बे ओन्सोला इउक्रेन सिमनानिफ्राय 800 किल'मिटर जायो। थानाय शुक्रबारखालि रसियानि रैखाथि परिसदनि जथुमायाव मोनसे गोखों थांखि लादोंदि, सुथुरनि गाग्लोबनायफोरखौ नोजोर होयाजासे थानाय नड आरो

नेवसिगानायबो नड। रसियानि सुबुंफोरा गोखौंसिन खौसेथिजों बेनि फिन्नाय होगोन। रसिया सास्थिफोरा गावसोरनि गोहोनि सायाव फोथायनानै इउक्रेननि बाहागोफोराव फारसेथिं लासैयै दिस्थिफुदोंब्लाबो गुबुन फारसेथिं गोखोडै गाग्लोबनानै जायगाखौ दखल खालामनो हादों। फारसेथिं इउक्रेनआ रसियानि सिडव हाबहैना बांसिने इनजों गाग्लोबदों आरो सिमना बारनायनि गोहोजों जुजिदों।

मख'नो गोनांदि, शनिबारखालि दावहानि गाग्लोबलायनायाव रसियानि सिमनाजों नांजाबनाय सहर बेलगरदआव इउक्रेननि गुलि गावनायाव सानै सुबुंफोरनि जिउ गोमायो आरो गुबुन साथाम जोखोम जायो। रसियानि सास्थिया दाबि दैखोंबावदोंदि, शनिबारखालि इउक्रेनआ रसियाआव हाबनानै गाग्लोबनो नाजानायखौ फिन फेलें खालामनो हादों।

मनिपुरआव लाइसेन्स गोनां हाथियार बिगोमाफोरखौ बिसायख'थिनि सिगां जमा होनो बिथोन होदों

इम्फल, 17 मार्च: भारतनि बिसायख'थि आयगआ 16 मार्चखालि लकसभानि 18 थि सरासन्ना बिसायख'थि 2024 नि थाखाय भटनि हाबाफारिखौ फोसावो। बेनि उनाव थौबाल आरो कांपकपि जिल्लायाव आइन आरो आबू थिनि थासाखिखौ नायसंनय जायो। बेनि अनगायै थौबाल जिल्लायाव जिल्ला मेजिस्ट्रेट ए सुभाष सिंआ गासैबो लाइसेन्स गोनां हाथियार बिगोमाफोरखौ गाव-गावनि हाथियारखौ साखाथिनि पुलिस स्टेसनफोराव जमा खालामनो थाखाय बिथोन होदों। बेफोर हाथियारखौ लाइसेन्स गोनां सुबुनि थाग्रा न' ओन्सोलनि पुलिस स्टेसनफोरनि रैखाथि गोनां दोन्थुमग्रा न'आव दोन्नाय जागोन आरो बेफोर हाथियारफोरखौ जमा होनो थाखाय जोबथा अक्टआ 23



मार्चसिम फोसावनानै होदों। फोसावनाय बिथोन आरो आइनखौ मानियाब्ला जिल्ला पुलिस खुंथाया हाथियार आरो गुलि-बारुदखौ जब्द खालामनानै लागोन। गोदान हाथियार लाइसेन्स फोसावनाय आरो बेनि थाखाय आर'ज गावनायनि हाबाफारिखौ दोन्थ'नाय जादों। बे बिथोननि हें थायै अजदलाइखौ 20 मार्चसिम मावख'नि सम थानाय समाव जिल्ला मेजिस्ट्रेटनो लिस्नानै होनो हागौ। बेरफासै बिसायख'थिनि समाव अर

गावहरग्रा हाथियार आरो गुबुन हाथियारफोरखौ लानानै थांग्रा नोगोरारिफोरनि जाहोनाव कांपकपि जिल्लायाव गोजोन गैयै थासाखि सोमजिनो हागौखौ लानानै जिंगासिदों। बेनिखायनो जिल्ला मेजिस्ट्रेट महेश चौधरीआ बिसायख'थि जोबजासिम कांपकपि जिल्लायाव हाथियार लाइसेन्स हलडारफोरखौ बेफोर बादि हाथियारखौ लोगोआव दोन्नो एबा लानानै बेरायनायखौ होबथानाय जादों।

लक सभा बिसायख'थियाव 3.4 लाख मिरुआरि टैरवाथि जवानफोरखौ थिसन्नाय जागोन

गोदान दिल्ली, 17 मार्च : जानो गोनां लक सभा आरो दरखै जिल्लाफोरनि बिधान सभा बिसायख'थियाव राइज्यो पुलिस हान्जाफोरजों लोगोसेनो 3.4 लाख मिरुनि सास्थि हान्जा एबा सिएपिएफ मावफारियाफोरखौ थिसन्नाय जागोन। सोनाब बंग'आव सिएपिएफनि सा 92 रोजा मावफारियाफोरखौ थिसन्नो हागौ। उतखारिफोरनि गोहोम गोनां जम्मू आरो काश्मीराव 63,500 आरो नक्सालजों गोहोम गोनां छत्तिसगडुआव 36 रोजा जवानफोरखौ थिसन्नाय जागोन। सासे बिबानगिरिया फोरमायदोंदि, बिसायख'थि आयगआ उदांसि, रावजोंबो लोगो जायै आरो गोजोंनै बिसायख'थि खुंनो थाखाय खोलोब बायदि गासैबो राइज्यो आरो मिरुजों खुंनाय



राइज्योफोराव पिएपिएफनि मेक्सिमान 3,400 कम्पानीफोरखौ थिसन्नायनि थांखि लादों। मख'जाथावदि, मोनसे सिएपिएफ कम्पानीयाव

सा 100 मावफारियाफोर थयो। जम्मू-काश्मीरनि 635 कम्पानीफोर, छत्तिसगडुआव 360 कम्पानीफोर, बिहाराव 295, उत्तर प्रदेशआव 252 आरो

अन्ध प्रदेश, झारखान्ड, पान्जाब बे दरथाम राइज्योफोराव 250-250 कम्पानीफोरखौ थिसन्नाय जादों। फारसेथिं गुजरात, मणिपुर, राजस्तान आरो तामिलनाडुआव

200-200 कम्पानीफोरखौ, उरिष्याआव 175 कम्पानि, आसाम आरो तेलेंगानायाव 160, महाराष्ट्रआव 150, मध्य प्रदेशआव 113 आरो त्रिपुरायाव 100 कम्पानीफोरखौ थिसन्नाय जागोन। जाय रैखाथि हान्जाफोरखौ सोनाब बंग', एलडालिउजों गोहोम गोनां ओन्सोलफोर आरो जम्मू-काश्मीराव थिसन्नाय जागोन बिसोरो गावबा गावनि थावनिसिम सौहैखाबाय। सिएपिएफआव सेन्ट्रल रिजार्भ पुलिस फर्स, बर्डर सिक्युरिटी फर्स (बिएसएफ), सिआइएसएफ, आइटीबिपि, एसएसबि आरो एमएसजिआबो दंफयो।

मारवासे राइज्योफोराव अरवा हानायजों बोथोरा सुग्लायफिन्नो हागौ

गोदान दिल्ली, 17 मार्च : मारवासे सान सिगांनिफ्राय अखाडव जोमै साग्लोबनायखौ नुनो मोनाखै आरो सान्दुआ मोजां रोखोमै दुंदों। जाउनाव सान्जौफु समाव बिदु'खौ बांसिन मोन्दांथिदों। मार्च दानाव खावसे जोबलांबाय आरो बे समावनो सुबुंफोरा बोथोरनि गरमखौ मोन्दांथिदों। गुबुन फारसेथिं मारवासे राइज्योफोराव फिन अखा हाग्लायफिन्दों। बोथोर बिफाननि हमदानाय बायदिब्ला, मध्य प्रदेशनिफ्राय लानानै सा-सान्जा बाहागोसिम मारवासे राइज्योफोराव अखा हानायनि आसा दड। बेजों बिदुडाव सरासन्ना दावख्खायनो हागौ। बेनि अनगायै गासै राइज्योफोराव अखा खोरमनायजों लोगोसे एसे-एनै बारहुंखाबो बारनो हागौ। स्काइमेट वेडारनि बायदिब्ला, फैगौ 20 मार्चनि गेजेराव गंगा दैमानि सेर सोनाब बंग'आव सरासन्ना अखा हानो हागौ। अदेबानि बे समाव अखा मोफ्लामनाय खोरमनाय आरो गोखै बार बारनायनिबो आसा दड। फारसेथिं भिदरं,



सान्जा मध्य प्रदेश आरो छत्तिसगडुआवबो अखा हानो हागौ। घन्टायवाव 30-40 किल'मिटर गोखै थिजों बारहुंखा आरो सार-अन्थाइ गावनायनिबो आसा दड। गुबुन फारसेथिं 19 मार्चनि गेजेराव छत्तिसगडु आरो उरिष्याआव गुबुन गुबुन जायगायाव रोजा अखा हानो हागौ। फै गौ सानब्रेनि गेजेराव तेलेंगाना आरो कस्टेल अन्ध प्रदेशआव गेसैं अखा हानायनि आसा दड। फारसेथिं 18 मार्चनि गेजेराव

केरेलायाव गोबां अखा हानो हागौ। सा-सान्जा भारतनि राइज्योफोराव 22 मार्चनि गेजेराव सरासन्नानिफ्राय लानानै गेजेर थाखोनि अखा हानो हागौ। आसाम, अरुनाचल प्रदेश, नागालेण्ड, मणिपुर, त्रिपुरा आरो मिज'रामआव सरासन्ना अखा हाग्लायनो हागौ। थानाय 24 घन्टायवाव सोनाब बंग', सा उरिष्या, झारखान्डनि मारवासे बाहागो, अरुनाचल प्रदेश आरो सिक्किमआव सरसन्ना अखा आरो बेनि अनगायै बिहार,

भुटानआव लांनाय गं 5 खैलानि गारि हमदों

गुवाहाटी, 17 मार्च: आसामनि बाक्सा जिल्लायाव शनिबारखालि खैलाजों आबुं गं 5 ट्राक गारिफोरखौ हमनो हादों। सुलुनि बादिब्ला, बेफोर ट्राक गारिफोराव आइनारि लेखा बिलाइ गैयै

खैलाफोरखौ ट्राकआव लांदोंमोन। सोद सुलुनि बिथायाव आइन बेरेखायै खैला लांनाय ट्राक गारिफोरखौ सिग्रोमनाय जादोंमोन। बेफोर ट्राक गारिआ आसामनि शिबसागरनिफ्राय आइन बेरेखा



आथिखालाव गासैबो थियारिया आबुं जाबाय होना फोरमायदों। आसा खालामनाय जादोंदि, बिसायख'थिनि अक्टखौ फोसावनायखौ गासैबो पार्टीफोरावो बरायदों। बावैसो सिगांनिफ्रायनो गासैबो राजखांथि पार्टीफोरा बिसायख'थिनि थाखाय थियारिफोरखौ जागायदों आरो

मख'जाथाव खौरं मिबथिनो हादों। अमेटि आरो राइबरेलिनफ्राय गान्धी नगरनि रावबो सोद्रोमाया बिसायख'थि बादायनाय नड। पार्टीआ गोदान बिजाथिखौ बादायहोनो थियारि खालामदों। सुलुनि बायदिब्ला राहुल गान्धीया अमेतिनिफ्राय बिसायख'थि बादायनाय नड।

बिथाडा केरेलानि बाइनाड बिबाबनिफ्राय बिसायख'थिखौ बादायगोन। बिथानि अनगायै अमेतिनिफ्राय प्रियंका गान्धीयाबो लक सभा बिसायख'थियाव बादायनाय नड। मानोना बे खेबआव अमेटि आरो राइबरेलि बिबाबनिफ्राय गान्धी नख'रनि रावबो सोद्रोमायानो बिसायख'थियाव बिजाथि बादायनाय नड होन्ना सुलुडाव फोरमायदों। बेनि ओंथिया जादोंदि, बे मोन्ने मासियाव आगुनिफ्रायनो गान्धी नख'रनि सोद्रोमाया बिजाथि बादायबोबाय थानायनि खाबुखौ बे खेबाव गुबुन सोरबा पार्टीनि सोद्रोमाया मोनगोन।

आइपिएल 2024 नि थाखाय केकेआर टीमजों प्रेक्टिस बादायाव बाहागो लाबाय श्रेयस अय्यरआ

गोदान दिल्ली, 17 मार्च: कलकाटा नाइट राइडर्स (केकेआर) नि केप्टेन श्रेयस अय्यरआ फेगसिनो थानाय इन्डियान प्रिमियर लीग (आइपिएल) नि थाखाय हान्जानि प्रेक्टिस बादायाव बाहागो लाफाबाय। बबेखानि श्रेयस अय्यरआ देहायारि जेना नुजाथिनायनि जाहोनाव बे टुर्नामेन्टनि जागायनाय मेचफोरारव गेलेनो हानाय नडेखौ मोन्दाथि लादोंमोन। नाथाय बिथाडा टुर्नामेन्ट जागायनायनि सिगां कलकाटा नाइट राइडर्स टीमनि हुदा एबा फोरोंथाय बादायाव बाहागो लाफाबाय। कलकाटा नाइट राइडर्सआ श्रेयस अय्यरनि नोगोरावनो सौफे नाय सावगारिफोरखौ ससेल मिडियाआव गोबाडै गोसारनाय नुनो मोन्दां। 29 बोसोर बैसोनि श्रेयस अय्यरआ अपारेसन खालामजानायनि जाहोनाव थानाय सिजननि आइपिएलआव गेलेनो हायाखे मोन। थानाय बोसोर 2023 नि सेप्टेम्बर दानआवसो



श्रेयस अय्यरआ क्रिकेट गेलेनायाव बाहागो लाफाबाय। नाथाय बिथाडि उदेनि सानाया जोबाखै। श्रेयस अय्यरआ इलेण्डनि हेथायै सिगां मोननै टेस्ट मेचआव गेलेदोंमोन। नाथाय बेनि उनाव देहायारि जेनाया जाखीफिन्दोंमोन। देहा जेनायि थाखाय भारतनि हान्जानाया बिथाखौ गुबुन मोनथाम टेस्ट मेचनि थाखाय सायख 'याखै मोन। श्रेयसआ मुम्बाइनि जानानै रज्जो टर्फानि

क्वार्टर फाइनलावबो गेलेनो हायाखै मोन। नाथाय सेमिफाइनल आरो फाइनलआव बिथाडा गेलेदोंमोन। मख 'नाय जायोदि, कलकाटा नाइट राइडर्सनि हान्जानाया आइपिएलआव गिबि मेचखौ 23 मार्चखालि सानरइजार्स हाइड्राबादिनि हेथायै इडेन गार्डेन्सआव गेलेदों। कवकाटा नाइट राइडर्सनि टीमआव केप्टेन श्रेयस अय्यर, सुनिल नरेन, आन्ड्रे रसेल, मिसेल स्टार्क, रिंकु सिंह, फिल

भारतआवनो आइपिएलनि आबुं सिजनखौ खुंजोबगोन

इउ ए इआव मेच खुंनायनि थांखिखौ बि सि सि आइनि नेहाथारि जय शाहआ नेवसिदों

गोदान दिल्ली, 17 मार्च: बे बोसोरनि खुंजानो गोना इन्डियान प्रिमियर लीग-2024 नि आबुं सिजनखौ भारतआवनो खुंजोबनाय जागोन। बिसिसिआइनि गाहाइ नेहाथारि जय शाहआ शनिबारखालि बे टुर्नामेन्टनि माखासे बादायलायनायखौ इउएइआव खुंनो लानाय बाथाखौ मिथिनायनि उनाव थोंजोडै नेवसिगारदों आरो बिथाडा बुंदोदि, बे खेबनि आइपिएलखौ गुबुन बाइजो हादरआव खुंनाय जानाय नडा। माखासे सुत्तुनिफ्राय मिथिनो मोन्दांदि, हादरआव लकसभा बिसायथिआ खुंजागोननि थाखाय आइपिएलनि माखासे मेचफोरखौ इउएइ हादरआव खुंनो थांखि लानायनि बाथाखौ सावरयनाय खोनानो मोन्दां। बिसिसिआइआ थाबेनो आइपिएलनि आबुं समफारिलाइखौ फोसावनो हासिगौ। बबेखानि



बिसिसिआइआ 23 सानफोर सिगांनो आइपिएलनि गिबि खोलोब एबा पेज-1 नि सम फारिलाइखौ फोसावनय जादों आरो आइपिएलनि गिबि खोलोब बादायलायनाया 22 मार्चनिफ्राय 7 एप्रिलसिम सोलिगोन। मख 'नाय जायोदि, 2019 आव हादरनि लकसभा बिसायथि थिन उनाव आइपिएल टुर्नामेन्टखौ भारतआव खुंनाय जादोंमोन। नाथाय 2014 नि खावसे एडिसनखौ इउएइ हादरआव खुंनाय जादों। बेराफार्स 2009 आव आइपिएलनि आबुं सिजनखौ खोला आफ्रिकायाव खुंनाय जादोंमोन। देग्लायनि 17 थि सिजन आइपिएलनि गिबि पेजखौ 22 मार्चनिफ्राय 7 एप्रिलसिम खुंनाय जागोन। बे समनि गेजेराव 17 सानफोरारव मोन 21 मेचफोर गेलेगोन। बे सिजननि आइपिएलनि गिबि मेचआ फेगौ 22 मार्चखालि डिपेन्डि सेम्पियन चेन्नाइ सुपार क्रिस आरो रयेल सेलेन्जार्स बेंगालुरुनि गेजेराव सेपक स्टेडियमआव खुंजागोन।

जारिमिन सोरजिनायनिफ्राय फेलें जाबाय लक्ष्य सेनआ



गोदान दिल्ली, 17 मार्च: भारतनि स्टर बेडमिन्टन गेलेगिरि लक्ष्य सेनआ दासादि खुंजागासिनो थानाय अल इलेण्ड सेम्पियनसिपआव हौवाफोरनि हासि व। द। य। ल। य। न। य। नि सेमिफाइनलाव इन्डेन्सियानि


गेलेगिरि जनाथन क्रिस्टिजों जेन्नाबाय। सेमिफाइनलाव जेन्नायजों लोमोसेनो लक्ष्य सेननि जारिमिन सोरजिनायनि सिमाडाबो फेलें जायो। अल इलेण्ड सेम्पियनसिपआव भारतनि टर्फा देरहानायनि थांखिआबो बेयावनो थुंगेयो।

मिज 'रामआव गासै 8,61,277 भटारफोरा भट होगोन

आइजल, 17 मार्च: मिजरामआव गिबि खोलोबानि बिसायख थिआ 19 एप्रिल 2024 आव खुंजागोन। मिजरामआव भट होगोन एबा भटारफोरनि गासै एन्जिमाया 8,61,277 दड', जेराव 4,14,777 आ हौवाफोर आरो 4,41,520 आ आइजोफोर। बिसोरजों लोमोसेनो 4,980 आ बिसायख थिनि समाव सिबिथाइ होग्रा सुबुफोर। आइजल जिल्लायाव भटारफोरनि अन्जिमाया बयनिखुइबो बांसिन 2,88,268 दड' आरो हनाथियाल जिल्लायाव बयनिखुइबो खर्मसिन 16,257 भटारफोर दड। मख 'जाथावदि, मिजरामनि बयनिखुइबो बांसिन भटारफोर गोनां बिधान सभा बियाबआ जादों लंटलाइ जिल्लानि 36-तुइचाभं, जेराव 36,493 भटारफोर दड'। फार्सेथि बयनिखुइबो खर्मसिन भटारफोर थानाय बियाबआ जादों तुलेइ जिल्लानि 34-थरं, जेराव 15,152 भटारफोर दड। 2024 नि थाखाय लिंगानुपातआव 1,064 दड। मख 'जाथावदि, ममितआ मोनसेल' जिल्ला, जेराव हौवा भटारफोरनि अन्जिमाया आइजो भटारफोरनिफ्राय बांसिन। बे खेबआव 85 बोसोरनि बांसिन बैसोनि 4,758 भटारफोर दड; जायफोरनो न'निफ्राय भट होनायनि गनायथि होनाय जागोन। फार्सेथि बेंगुरा-बेंगुरि सुबुफोरनि अन्जिमाया 3,399 दड। भट सेन्टरफोरनि अन्जिमाया गासै 1,276 दड; जाय 2019 नि लकसभा बिसायख थिनिफ्राय 101 बांसिन। सिएपिएनि 15 हान्जाफोर आरो उन्न राइज्यो पुलिस मावफारियाफोरजों लोमोसे गोखौ रेखाथि राहा खालामनाय जागोन। बिसायख थिनि समाव लोमोसेनो गुबुन-गुबुन सामलायग्रा एजेन्सिफोरबो बेयाव बाहागोआरि जागोन। मिडिया टेलिकारस्टनि थाखाय राइज्योआरि थाखोआव मिडिया सेल आरो मोनसे मडानाइजेसन मिडिया सेन्टरनो गायसनाय जादों। बिसायख थि आगआ बिसायख थिनि थाखाय इलेक्ट्रिक भटि मेसिन (इभिएम) जों लोमोसेनो थोजासे भिभिपिएटि थिसननाय जादों। नांगौ बादिये इभिएम आरो भिभिपिएटिखौ आबुडै नायसंखानाय जाबाय।

इन्डियान नेभिआ 40 घन्टा गोलाव अपारेसननि उनाव लांखार जानाय जाहाजनिफ्राय सा 17 मावथिफोरखौ रैखा खालामदों

गोदान दिल्ली, 17 मार्च: मावख 'आरिफोरनि बायदिब्ला, भारतयारि नेभिआ जाफुंसार महरै सा 35 लैथोआरि उतखारिफोरखौ आखाइ देखानो बिथोन होदों आरो भारतयारि बोरिमानिफ्राय 1,400 नटिकल माइल गोजानाव थानाय मोनसे फालागियारि जाहाजनिफ्राय सा 17 मावथि हान्जानि सोद्रोमाफोरखौ रैखाथियै बोखारनायखौ रोखा खालामदों। नेभिआ अपारेसनाव गावनि पि-8आइ लैथोआरि पेट्रल बिरख, फ्रन्टलाइन जाहाज आइएनएस कलकाता आरो आइएनएस सुभद्रा आरो मोनसे गोजौ-जौथायनि गोलाव-सहायनो हानाय मानसि गैयै अखां गारिखौ बाहायदों। मार्कस कामान्दफोरखौ गंसे सि-17 बिरखजों एयार-ड्रप खालामनाय जादों। बेनि सिगाडव, नेभिआ समालीयानि सान्जा बोरिमायाव जाहाजफोरखौ लांखारनो समाली लैथोआरि उतखारिफोरनि मोनसे हान्जानि नाजानायफोरखौ फेलें खालामदों। लैथोआरि डाकाटिफोरा एएन मुनि मोनसे कागौ जाहाजव दावबायदोंमोन, जायखौ थाम दान सिगां लांखारनाय जादों। दै सान्त्रि हान्जानि बुंथिगिरि बिथोनगिरि भिभेक माधवलआ बुंदोदि आइ.एन.एस. कलकाताया थानाय 40 घन्टायाव लैथोआरि डाकाटिफोरखौ जाफुंसारै बेंखनानै बिसोरखौ आखाइ देखानो बिथोन होदोंमोन आरो हान्जानि सोद्रोमाफोरखौ रैखाथियै बोखारनो रोखा



खालामदोंमोन। जाहाज एम.भि. एएनखौ थानाय बोसोरनि 14 डिसेम्बरआव समाली लैथोआरि डाकाटिफोरा लांखारदोंमोन आरो बेखौ गोजौ लैथोआरि डाकाटिनि खामानियाव बाहायनायनि सन्देह खालामनाय जादों। भारतारि नेभिआ फोरमायदोंदि, लैथोआरि डाकाटिफोरा बिन मोनसे दावहानि जाहाजआव गुलि गावदोंमोन। बेनि फिन्याय महरै दावहानि

जाहाजआ गेजेर हायुडारि आयेननि सिडव गावखौ रैखाथि होनायनि खामानि मावदोंमोन आरो शिपि आरो लैथोआरि दावबायारिफोरनि थाखाय खैफोरखौ गोहोम गैयै खालामनो थाखाय बाइइसिन गोहो बाहायदोंमोन। नावआव थानाय लैथोआरि डाकाटिफोरखौ आखाइ देखानो, जाहाजखौ हगारनो आरो जायखि-जाया नोगोरारि फोरखौ हमनो थाखाय

खावलायनाय जादोंमोन। थानाय शुक्रबारखालि हाइजेक खालामजानायनि उनाव मोनसे भारतारि दावहारु जाहाज आरो मोनसे गोलाव जानथायनि लैथोआरि पेट्रल बिरखजों बांलादेशनि फिरफिला गोनां कागौ जाहाजखौ हेफाजाव होनाय जादोंमोन। मावथिफोरनि रैखाथियै थि खालामनाय जादोंमोन, आरो भारतारि दावहारु जाहाजआ जाहाजनि खाथियाव गावनि थाथायखौ लाखिबाय थादोंमोन जेब्लासिम बेयो समालीयानि ओन्सोलारि दैसिम सौहैयाखैमोन। थानाय माखासे ससाहफोरार, भारतयारि नेभिआ गाग्लोबनायनि उनाव सोनाब भारत लैथोमायाव गोबां फालागियारि जाहाजफोरखौ हेफाजाव होदोंमोन। बे दाननि गिबिआव, दै सान्त्रि हान्जानाया समालीयानि सान्जा बोरिमायाव सा 11 इरानि आरो सा दाइन पाकिस्ताननि नोगोरारिफोरनि मोनसे हान्जानो लोमोसे इराननि फिरफिला गोनां ना हमग्रा जाहाजआव लैथोआरि डाकाटिनि नाजानायखौ फेलें खालामदोंमोन। थानाय जानुवारि दानआव, भारतयारि दावहानि जाहाज आइ.एन.एस. सुमिआया समालीयानि सान्जा बोरिमायाव लैथोआरि डाकाटिफोरा इराननि फिरफिला गोनां ना हमग्रा जाहाजखौ गाग्लोबनायनि उनाव मोनसे ना हमग्रा जाहाजनि सा 19 पाकिस्ताननि मावथिफोरखौ रैखा खालामदोंमोन।

निलम कतारीआ 20 बोसोरसिम सावथुननिफ्राय गोमाना थानायनि उनाव आथिखालाव माखासे बाथा फोरमायदों

निलम कतारीआ फ्राय 20 बोसोरसिम सावथुननिफ्राय गोजानाव दंमोन। बिथाड 2020 माइथायाव 'पेबुलास लाइप्स अफ बलिउड वाइप्स' वेब सिरिजजों नुजाथिफिन्दोंमोन। आथिखालाव बिथाड आडिबलनि मेरीपुट्रिन अडिअ सिरिजआव जितानि आखुखौ गारं होदों। निलम कतारीआ डिपेस फान्डेजों सावथुन मुलुगआव फेफिन्यायनि गावनि सान्थांखिनि सायाव गावनि सान्नायखौ फोरमायदोंदि, थार बाथाखौ बुंनो थाडोब्ला आं माब्लाबाबो फेफिन्यायनि बाथा सानाखैमोन। आं आंनि गहेनानि फालांगि खालामनायजोंनो खुसियै दडमोन, जाय खामानिखौ आं दासिमबो मावगासिनो दड। करण जौहरजों दिहुनजानाय पेबुलस लाइप्स अफ बलिउड वाइप्स वेब सिरिजआ एसे आलादामोन। बेनिखायनो आं बे वेब सिरिजआव आगान होनो सान्दोंमोन। आं बे स्व 'नि फर्मेट बायदि माब्लाबाबो जेबो खालामफेराखैमोन। बेनिखायनो आं बे स्व 'खो खालामदोंमोन। आंनि गुबै गोनांथिआ आंनि गहेनानि फालांगि आरो आंनि फिसाजो। आंनि फिसाजोआ खालि 15 बोसोर बैसोनि बेनिखायनो आं आंनि फिसाजोनो गोबां सम होनांगोन। आं पेबुलास लाइप्स अफ बलिउड वाइप्स वेब सिरिजनि थामथि सिजनखौ खालामगासिनो। बेनि



अनगायैबो आं सानो आं बे समाव अजिअ सिरिजआव गोबां खामानि मावगासिनो दड; जाय आंनि थाखाय थोजासे। बे समावनो जुदि आंनो

माखासे मोजों सिरिज आरु गोसो बोनो हाथाव फाव जासियोब्ला आं बेखौ नायगोन। थारैरो बेनि सिगां आं बिथांजों मेट इन हेभेन वेब सिरिजनि

नैथ सिजनआव खामानि मावदोंमोन। जों गिबि खेबनि थाखाय वे वेब सिरिजनि गेजेरजों स्क्रिनखौ ज 'थै शेयार खालामदोंमोन। जुदि आं माबा मोनसे मोजों अप्पार मोनो अब्ला आं बिसोरजों खामानि मावगोन। 20थि जौथायनि 80 आरो 90 जिथाइफोरव जों सानसेयाव मोनब्रे सावथुननि सुटि खालामोमोन। आथिखालाव मानसिफोरा मोनसे सान्थांखि सावथुन एबा मावथांखियाव गोसो होदों। बेबादिनो आथिखालाव माखासे सावथुनफोर खालि 30-40 सानफोरारवो आबुं जायो। बेखौ आं आंनि थाखाय बयनिखुइबो गोनां थारसिन सोलायनाय बादि नुदोंमोन। जुदि नायनाय जायो, अब्ला आथिखालाव सेटफोरव खामानिखौ मोनसे सान्थांखि आदबजों खालामनाय जायो। आथिखालाव सुबुफोर फडकास्ट आरो अडिअ सिरिज बायदि मुवाफोरव बांसिनै गोसो होदों। बेफोर बायदि स्व 'आ नोंथांखौ नोंथांनि सानबोलावनि सायाव बिथा खालामनाय गुबुन गुबुन मुलुगआव लाडो। बे दिथिफुंनयनि सल 'आ बिगियान सल' बाथा, जाय आंनि थाखाय जोबोद गोदानमोन। आं टेकन 'लजिफोरनि बागै बारा मोनथिया। आंनि फिसाजोआ आंनो गासैखौबो फोरडो। आथिखालनि लाइमोनफोर बिरोदामिनन बागै गोबां गियान दड। आं खौरं बिलाइ आरो बिजाबफोरखौल' फरायनानै गोजोननाय मोनो।